


KGORO KE YE E PITLAGANEGO

 Ke a go leboga, Ngwanešu Neville. Ke a go leboga. Ke mo go botse go ba morago Ngwakong wa Morena. Ka mehla ke ipshina go tla morago tabarenekeleng, go sa kgathalege kae kapa kae fao ke yago. Fao go na le selo se sengwe ka lefelo le lennyane la kgale le ke ratago go tla morago go lona. E no ba, oo, ke... E bile kereke ya ka ya pele e nnoši ye nkilego ka e diša. Gomme go no bonala go le botse go tla morago fa gape. Gomme ke a dumela gore mosong wo mogolo wola ge letšatši le gana go kganya gomme dinaledi di dikediša seetša sa tšona, ke a dumela go tla ba ba bangwe go tšwa go tabarenekele ye ba tlogo go ba gona fao letšatšing leo, ba ba hlatswitšwego Mading a Kwana. Ke lebeletše nako yeo.

² Ge ke etla go kgabola kamora feela bjale, ke gahlane le Kgaetšedi Arganbright morago kua. Gomme o be a mpotša gore fao go be go le batho ba bangwe fa bao ba bego ba le kopanong ya Kingston, ba ba bego ba etetše ka nako yeo, gomme ke... ba... ke thaba go ba le bona fa bjalo ka bopaki. Kae kapa kae fao ba lego, ge ba ka swarela diatla tša bona godimo, bao ba bego ba le ka kopanong ya Kingston ka Jamaica. Feel a, ya, morago ka morago. Ka moka gabotse, seo se kaone.

³ Ke bona poso karata ya Oral. Ke a thank a le šetše le tsebišitše dikopano tša gagwe. Ga se kake ka e tseba go fihla, matšatšikgwedi, go fihla maabane. Ke nagana gore e thoma ka la tshela, a ga e bjalo? La tshela go ya go la lesometlhano, Ngwanešu Roberts ka Louisville. Bjale, eyang le mo kwe. Ngwanešu Roberts ke—mogwera wa mmapale wa ka, le mohlanka wa mmakgonthe wa Kriste. Gomme ke na le nnete gore le tla ipshina ka melaetša ya gagwe, bošego ka morago ga bošego. Gomme... ya gagwe, ge a rapelela balwetši, ke—ke na le nnete gore le tla bona Modimo a sepela, ka baka la gore ke lešole le legolo la tumelo, Ngwanešu Roberts ke lona, le monna yo Modimo a mo šomišago ka maatla. Gomme bodiredi bja gagwe bo nameletše go tšwa...

⁴ Ke elelwa ge la mathomo ke kopana le Ngwanešu Roberts, o be a le tenteng ye nnyane ya lenkgeretla godimo ka St. Louis, Missouri, gomme ke be... aowa, Kansas City, Missouri. Gomme ke be ke le ka Kansas City, Kansas, ka otithoriamong. O be a dutše setulong sa pele. Ka morago ga ge tirelo e fedile, re ile ra ya go dikologa go ya morago gomme re be re bolela. Ba ile ba ntsebiša go yena. Ke yo monnyane go feta ka fao ke lego; Oral o bosweng bja gagwe bja bo masomenne. Gomme ka fao a re, “A o nagana gore Modimo o tla kwa thapelo ya ka go balwetši?”

Ka re, “Ngwanešu, O tla kwa thapelo ya mang le mang yo a tlogo go rapela.” Go lokile, o ile a thoma, gomme a re, “Fa ke a ya!”

⁵ Gomme ke monna yo mokaone, le thuto ya kholetšhe, mengwaga ye mene ya saekholotši, gomme ke na le bonnete ke—ke monna yo bohla. Gomme o fehlile godimo lefelong bjale fao a nago le bašomi ba baeletši go mo dikologa, le dilo, go fihla, ge a bolela, o—o a e nagana. Gomme ka nnete le tla ipshina ka yena, ke na le bonnete.

⁶ Gomme ka fao bjale ke nyaka go fa pego ye nnyane feela ka se Morena ya rena a se dirilego ka kopanong ya rena ye nnyane ya go kokobela ka Jamaica le Puerto Rico. E bile selo sa go se tlwaelege gore ke ile kua, ka baka la gore dipitšo tše ntši di tla ka gare. Bjalo ka ge Leo fa a tseba, founo yeo. . . Gomme ka go kitima ga beke, fao ka therešo go mafelo a makgolo ao a biletšago dikopano. Eupša go le bjalo ke nyaka go ikwela ke hlahlilwe fao ke yago, ka lona. Ge ke eya ka baka la gore monna o nthometše gore ke tle, gona ke tla leineng la kereke yeo goba mokgatlo woo. Ge nka ya ka baka la gore Ngwanešu Neville a rile ke swanetše go ya, ke tla swanelwa ke go ya leineng la Ngwanešu Neville. Eupša ke rata go ya ge Jesu a nthoma, gore o kgone go ya Leineng la Morena Jesu, go kopana le batho.

⁷ Gomme ke be ke robetše mpeteng, gomme ke be ke lapile gannyane. Molapo wo, ka bjako goba ka morago, ke tla swanelwa ke go tlogela molapo wo, ka baka la gore o no roba mogolo wa ka go fihla lefelong fao ke no se kgonego le go o kgotlelela. Nka kgona go tloga le go ba morago. . . Re tlile letšatši le lengwe, Leo le nna, ka go dimaele tše masomenne, ka morago ga go ba dirorobjeng ka Florida, mogolo ka moka o hlwekile, gomme mo dimaeleng tše masomenne tša Louisville wa ema gape. Ngwanešu Banks Wood o swanetše go ba fa felotsoko mosong wo. Gomme letšatši le lengwe re tla ka gare go tšwa Kingston le—le Puerto Rico, fao mogolo wa ka o bego o nno phethagala; gomme pele ke ile ka fologa sefofane, ke sa le ka moka gabotse; gomme pele ga ge re be re ka fihla Jeffersonville, wa tswallega gape. Le a bona, ke molapo fa. Ke twatši moyeng, goba ke Modimo, go motee, o leka go ntloša. Ka fao, ga—ga ke e kwišiše. Ke rapetše gomme ke kgopetše dinako tše ntši.

⁸ Eupša, go le bjalo, ke be ke sa tšwa go tsoga, e be e ka ba ka iri ya boraro ka masa. Gomme mosadi wa ka le mošemane yo monnyane ba be ba robetše. Gomme ke ile ka emelela ka lehlakoreng la mpete, gomme ka bona palo ye kgolo ya batho e bego e kgobokane ka lefelong le legolo, gomme ka re go Billy Paul, “Eya ka kua gare gomme o fe batho bale dikarata tša thapelo.”

⁹ Gomme a re, “Ok, tate.” Metsotsong e se mekae a bowa, gomme a re, “O ka se kgone go fa dikarata tša thapelo go batho bale.” A re, “A o bona monna yo a emego fa?”

Ka re, "Eye."

¹⁰ A re, "O be a le godimo fa, gomme ka re, 'Yo mongwe le yo mongwe yo a nyakago karata ya thapelo, swara diatla tša gago godimo.'" Gomme a re, "Ke ile ka ya go mo fa karata ya thapelo, a ya felotsoko gape. Gomme ka gona ka ya godimo kua, gomme o be a le godimo felotsoko gape. Bjale šo o fa tsela morago godimo fa." A re, "Ga ke kgone le go fa karata e tee ya thapelo."

¹¹ Ka re, "Go lokile, Billy, ga wa swanela go fa dikarata tša thapelo, ka baka la gore fao go na le sekgoba se segolo fa go fihla yo mongwe le yo mongwe a kgona. . . ." Dikarata tša thapelo ke go tloša merusu. . . le a bona, go ba bea ka lenaneo. Ka re, "Oo, nka kgona go tšea yo mongwe le yo mongwe fao, e sego go feta bao ba lego ka sekgobeng se ke nago le sona, gomme ke ba bee mothalong gomme ke ba rapelele ka o tee ka o tee."

¹² Gomme a re, "Ka moka gabotse." Gomme a retologela go la go ja gomme a ya go tloga go nna. Gomme ka retologela go dikologa ka tsela *ye* ge a be a eya ka tsela *yela*, gomme ke be ke mmogetše.

¹³ Gomme ka kwa Lentšu le etla go theoga go tšwa Legodimong, gomme la re, "Eupša ka ye nako Ke tla thoma go go bonagatša." Gomme ka lebelela, gomme ga se nke ke bone lešaba le le bjalo la batho, ba be ba tšhologa go tšwa mo gohle.

¹⁴ Gomme leina la Ngwanešu Roberts le ile la bitšwa, gwa thwe, "Bjale Ngwanešu Oral Roberts o tla go go bona."

Gomme ka re, "Ke ya go dumediša Ngwanešu Roberts bjang?"

La re, "Feela ka tsela ye e swanago le ye a go dumedišago ka yona."

¹⁵ Go lokile, ke ile ka bona Ngwanešu Roberts a etla ka sutu ye ntsho, le ka kefa ye nnyane e swanago le ye Bing Crosby a e aparago, tšona tša go e retollela godimo le go e gogela fase, kefa ye nnyane ye ntsho. Gomme ke be ke eme mo o ka rego ke godimo, gomme a lebelela godimo gomme a re, "Halo, Ngwanešu Branham."

Gomme ka re, "Halo, Ngwanešu Roberts," ka šišinya seatla sa gagwe.

A re, "O na le lešaba le lekaone."

¹⁶ Ka re, "Lešaba le lentši, Ngwanešu Roberts." Gomme a retologa a ya ka tsela ye Billy a dirilego, go ya go la go ja.

¹⁷ Gomme ka gopola, "Ke ya go bolela le bona go tšwa kae?" Gomme ka leka mo gohle go hwetša lefelo la go bolela. Ke be ke le ka leemo le le bjalo, selo se sengwe fase, fao ke bego ke sa kgone go bona fao nka—nka bolelago le bona go tšwa gona.

Gomme yo mongwe a re, "Go lokile, etla godimo fa."

¹⁸ Ka re, "Go lokile, o ka se kgone go bona bokaonekaone fao." Gomme ka thoma go putla lefelo. Gomme ka elelwa se

nako yeo, ka re, “Selo se se bohlokwa go nna nka se dirago ke go boloka go kokobela ka pelong ya ka, ka mehla, pele ga Modimo le bana ba Gagwe.”

¹⁹ Gomme ka tšwela ka ntle ga pono. Gomme ka gopola, “A seo se ra go reng? Mohlomongwe se ra gore re ya go ba le ya mohuta. . . Goba e—e ya go ba kae?” Le a bona, nako ye nngwe, ka diponong, Yena ga a no go botša gore kae, O—O no bolela gomme o no. . . E ka seswantšho, bjalo ka. Gomme ke na le bonnete lena ba le balago Beibele le kwišiša seo.

²⁰ Gomme nako yeo ke ile ka ya ka kamoreng ya ka pele gomme ka dula fase lebakana le lennyane, gomme e be e ka ba masometharo go tšwa tharo goba iri ya bone ka meso. Ke ile ka ikwa ke otsela kudu. Ke ile ka ya morago gomme ka robala fase, gomme ka lora toro, gomme e be e le toro ya go tlabo kudukudukudu. Gomme kudukudukudu ka moka ga lena le tseba yo motee wa balaodi, Jack Moore, Ngwanešu Jack Moore. Ke mo tsebile mengwaga. Ke be ke gopola gore ke be ke le ntle ka peelano le morwedi wa gagwe, mosetsana yo a ka bago mengwaga ye lesomešupa ka bokgale, gomme ke be ke mo tšea ka seatla, gomme ke mo hlahlela godimo ga thaba, Jackie yo monnyane. Go lokile, e sale ke mo tseba go tloga e sa no ba ngwana yo a anywago. Gomme ke be ke mo hlahlela godimo ga thaba, gomme ke ile ka ya dipoloko tše tharo tša toropokgolo godimo ga thaba, ke hlahlela mosetsana yo. Gomme ra tla ka fase ga mohlare wo mogolo, gomme a dula fase. Gomme bjalo ka basetsana ba bantši ba bannyane ba mengwaga ya mahlalagading lehono ba apara tšona dikhethe tšeo, le a tseba, mohuta wa go kokomogela ntle, gomme o be a na le o motee wa mohuta yeo ya dikhethe. Gomme o ile a tšea sekhethe se sennyane se gomme a dira mokgwa wa go se ala gomme a dula fase. Gomme bjalo ka setšhaba se seswa ka mehla ba a lebelelana, o ile a phutha diatla tša gagwe ka mokgwa *wo* gomme a thoma go lebelela godimo go leba magodimong. Go lokile, Jackie ke mosetsana yo monnyane yo mokaone kudu, eupša o na le molomo wo mogolo le mahlo a magolo, le moriri wa mohuta wa lešabašaba, wa go se be le kgogedi kudu, eupša ke mohumagadi yo monnyane ka kgonthe. Gomme ke be ke kgona go bona mahlo a gagwe a magolo ge a be a lebelela magodimong, le ka fao ponagalo ya magodimong e bego e le ka mahlong a gagwe.

²¹ Go lokile, ke ile ka ya e ka ba dikgato tše tlhano go tloga go yena, gomme ka robala fase ka mokgwa wa lehlakore ka mokgwa *wo*, gomme ka tšea lehlokwa ka le bea ka molomong wa ka, gomme ka thoma go hlahuna lehlokwa le. Gomme ka thoma go nagana. “Na ke dira eng mo? Ka baka la eng, nna monna wa go tšofala, le mosetsana yo moswa. Ka baka la eng,” ka re, “Ke nyetše gomme ke na le sehlopha sa bana. Ga ke na le morero wo o itšego godimo fa le mosetsana yo monnyane yo.”

22 Gomme ka thoma go emelela. Gomme, ge ke dirile, Lentšu la tla go tšwa mohlareng, gomme la re, “Se ke leswao le morero.”

23 Gomme ka tsoga, gomme gabotse ka goelela, se—se sekatapowana. Ka gopola, “Oo, ke a makala ge e ba seo se ra gore ke ya go kgeloga goba selo se sengwe se direga go nna? Go lokile,” ka gopola, “ge ke eya go leka go šomiša mogopolo wa ka mong, gona ke tla o dira ka moka o hlakahlakane, ka fao ke tla no letela go Modimo.” Gomme ka thoma go rapela. Ka re, “Morena, a toro yela e sepelelana le pono yela feela ka karolong ya pele ya bošego, goba e ra go reng?”

24 Ka morago ga go leta nako ye e itšego, mohlomongwe iri (Mosadi wa ka o be a šetše a tsogile gomme a dirile difihlolo di loke.), nako yeo Lentšu la tla morago gape, gomme la re, “Eya Kingston, gomme se tla botšwa wena fao se o tlogo go se dira.”

25 Ka fao, ka pela ka ya Kingston. Gomme ba—ba ile ba tseba Labone ka morago ga sekgalela gore ke tla ba fao Labohlano. Yeo ka moka ke kwalakwatšo ye ra go ba le yona. Ga ke gabotse kudu ka go dira . . . ? . . . goba go akanya mašaba, ka baka la gore ka mehla ke dira pheteletšo ka yona. Eupša bošego bja mathomo, nkare re bile le e ka bago lesomepedi, oo, e ka ba makgolo a lesomepedi a batho, ka ntle, ka baka la gore e be e nno tsebja letšatši le tee. Gomme letšatši le le latelago ba thoma bakitimi ba kitima dimaele tše nne, ka neeletšano, go rotoga dithaba. Mokitimi yo motee o be a kitima diiri tše nne, gomme ka gona a dumelele mokitimi yo mongwe go ya godimo ga thaba. Gomme bošego bja bobedi e be e ka ba dikete tše tlhano. Gomme bošego bja boraro e be e akanyetšwa tikologong ya dikete tše lesometlhano, mohlomongwe masomepedi. Gomme fao go bile dikete go atiša ka dikete ba ba tlilego go Morena.

26 Gomme pono, e be e le kereke ye nnyane, mosetsana e be e le kgarebe, ngwana feela, gomme seo se be se era bokgarebe bja kereke. Gomme dipoloko tše tharo tša toropokgolo godimo ga thaba, e be e le matšatši a mararo ao ke tlogo go direla. Gomme go tšea kereke ye nnyane ya kgarebe ka bodiredi bja ka, go tloga fao e bego e le gona, go ya godimodimo ka dilong tša Modimo, go fihla e šišinya sehlakahlake sohle.

27 Gomme, oo, badiredi le batho tikologong, ba lla gomme ba kgopela gomme ba phegelela, “Bošego feela goba a mabedi gape,” baetapele ba semmušo ba toropokgolo.

28 Re ile go tloga fao ra ya Puerto Rico. Fao re ile ra gahlanetšwa ka ye kgolo, ya godimo phenyo, gomme dikete di atiša ka dikete ba tletše thereke, go fihla go akanyetšwa gore dikete tše masomenne tša disoulo tše bohlokwa di ile tša tla go Morena Jesu. Gomme ge re tloga, ke a holofela ke . . . Ke tla bolela se go kereke ya ka mong, eupša nka se kgone go e dira ntle ka phatlalatšeng, go dikologa fao ditšhaba di sego gona,

ka baka la gore e ka no lebelelega e fošagetše. Eupša ke na le leina la moahlodi fa godimo ga seripa sa pampiri, yo a filego polelo ge re be re tloga, thwi fa, yena le bašomi ba gagwe.

²⁹ Gomme ke . . . O—o rile, “Re hlomphilwe sehlakahlakeng go ba le badiredi ba go fapana.” A re, “Ge Mna. Billy Graham a sa tšwa go tlogela sehlakahlake kgauswinyana,” gomme a re, “re bile le ko—kopano ya letago,” a re, “eupša Billy Graham o nno re tlišetša Ebangedi ye e swanago yeo ka mehla re bego re e ekwa.” A re, “Ka gona re ile ra hlomphiwa go ba le Mna. Roberts sehlakahlakeng,” a re, “gomme Mna. Roberts o re file kopano ye kgolo ya matšatši a mararo. Eupša,” a re, “ditefo di bile godimo kudu ka hoteleng,” a re, “o tlogetše ditolaro tše dikete tše masometharo tlhano ka mašego a mararo, go tefo ya hotela.” A re, “Ka gona Mna. Osborn o be a le fa, yo e bego e le mohlanka yo mogolo wa Kriste. Eupša,” a re, “ge Mna. Osborn a sepela, go ile gwa ba go ya fase,” a re, “go ile gwa lebelelega o ka re se sengwe le se sengwe se be se ile.”

³⁰ “Eupša,” a re, “re lemogile ka kopanong ye gore fao ka nnete go be go se motho yo mongwe sefaleng gore Ngwanešu Branham a mo rapelele. Eupša,” a re, “ka morago ga ge ditirelo di fedile, re be re topa merwalo ya theraka ya ditulo tša kgale le maako le se sengwe le se sengwe, ka ntle ka batheeletšing.” A re, “E be e se motho nakong ye, Modimo o tlile go rena,” a rialo.

³¹ Ka re, “Le seke la letela dithapelo tša ka; eupša dithapelo tša lena ntle fao, beang diatla tša lena mongwe godimo ga yo mongwe.” Gomme ba tlišitše tasene goba tše pedi sefaleng, gomme, ge tekolo e etla fase, batho ba be ba no goelela. Re be re dula ka hoteleng ya maemo a bone, gomme re lefile ka moka ditefo tša rena beng le ditsela, ka borena.

³² Le thušitše go dira seo, ka bolena, ka dikarolo tša lena tše le nthomelago tšona. Seo ke se se e dirilego. Gomme ke nyaka gore le tsebe gore, ka ntle ga seo ka moka, le na le karolo ya gona. Gomme ka letšatši le legolo la letago le le tlogo, Modimo o tla le putsela seo. Le a bona, le be le se na le . . .

³³ Ge motho ka boyena a eya gomme a dira selo se sengwe, gona, le a bona, ge motho eo a tloga, ba nagana, “Go iša fase mo go golo, Modimo o re tlogetše.” Modimo ga le tlogele. O na le lena ka mehla. Le a bona, ke wena feela ka bontši ka go yona bjalo ka ye nngwe, bjalo ka mang kapa mang. Modimo a ka šomišetša motho bodiredi bjo bo itšego, eupša seo ga se re gore motho yoo o na le kgetho go Modimo. Ke tumelo ya gago mong go Modimo.

³⁴ Gomme ba be ba eya ntle kua ka go dikoloyana tša mabile tše nnyane tša kgale, gore ba be ba tšea go swana le mabili a koloyana ya ngwana, gomme—gomme ba dira lepolanka, gomme ba robotša motho godimo ga lona gomme ba ba

kgokološetša ka gare. Gomme ka morago ga ge tirelo e fedile, ka moka thereke yeo ya tša mabelo e be e hlwekišwa, ba be ba eya go bapela ka dikoloi gomme ba kukela godimo dikarikana tše nnyane tša kgale le ditulo tše kgolo tša kgale, le maako le mepitiana ya bana le mepete, feela fao ba ilego ba no sepela gomme ba di tlogela, ka baka la gore Bogona bja Morena bo be bo le fao. Seo ke se re nyakago go se bona. Monna ga a gona mo seswantšhong nako yeo, Modimo o a sepela.

³⁵ Ke tšile morago, feela go no thuša bjale mosong wo, ke ya go bolela metsotso e se mekae. Gomme ke kgopetše bašemane ba seke ba lokolla theipi. Matšatši a mararo ke lekile ga kudu go nagana, “Ke tla bolela ka eng?” Gomme mosong wo, pele ke sepela, ke ikwetše tšhebotšo ye e hlokofetšego ka pelong ya ka go kereke. Gomme ke ba boditše, “Tšeang theipi, eupša le seke la di lokollela go rekišwa.”

³⁶ Eupša pele re dira se, ke nyaka go le fa bopaki bjo bonnyane feela, gore bo tla le dira gabotse. Bo ntirile gabotse. Re ile leeto la matšatši a mararo a go thea dihlapu, Leo le Gene le nna, le morwa wa ka Billy Paul le mosadi wa gagwe, tlase go mogwera yo a tlogo fa tabarenekeleng, go tšwa tlase ka Georgia. Gomme ba ile ba re tšeela morago ka go serorobja se sengwe, ke no se tsebe gore se be se le kae bjale, kgauswi le Okeechobee goba selo se sengwe sa go swana le seo, ga ke tsebe leina le Seminole Indians ba se filego lona. Eupša, go le bjalo, re be re le dimaele tše ntši morago.

³⁷ Gomme yo Ngwanešu Evans, ngwanabo wa gagwe ke modiradibe. Gomme ke monna wa go thea dihlapu yo mogolo, gomme o boetše morago ka dirorobjeng dikgwedi di se kae tša go feta. Gomme ba na le se ba se bitšago “serorometša lefase.” Gomme serorometša lefase se ile sa mo loma, gomme o ile a phela. Leoto la gagwe le ile la ruruga, gomme ba ile ba mo tšea ba mo iša go dingaka gomme di ile tša mo fa ditšhwana. Dilo tšeo di a bolaya. Gomme ba na le bomarabe ba kotsi ba bantši morago kua gape, marabe wa kotsi, marabe wa ka moleteng, dikwena e ka bago masomapedi a dikgato ka botelele.

³⁸ Gomme ge re be re sa thea dihlapu morago kua, ke ile ka swara mohuta wa hlapi ya bass ye kgolo kudu. Oo, e be e le letšatši la nnete la—la go iketla. Gomme e be e le ye kgolo kudu mo e lego gore ke be ke sa kgone go e ntšha ka meetseng, gomme e ile ya no otolla huku gomme ya ya pele, goba ya goga go itokolla ka boyona. Gomme re bile le dibass tše ntši, e ka ba lekgolo le masometlhano a diponto a bass ye kgolo. Gomme di, tše dingwe tša tšona di be di imela diponto tše mmalwa, gomme go tloga go nne go ya go šupa, seswai sa diponto. Gomme ka swara ye kgolo ye, gomme ya tlemologa.

³⁹ Gomme ke ile ka lahlela morago, gomme ka—ka swara ye nngwe gape, go dikologa tshela, šupa ya diponto. Gomme ke

be ke na le kota ye telele ye o bego o swanetše go e swara godimo bokagodimo ga maitshwareletšo a lili. Gomme Ngwanešu Evans o be a na le...Ka moka re be re kolobile ka baka la go tlhaphutlha meetseng, ka baka la gore e no ba mohlaka. Gomme o be a rotše dieta tša gagwe gomme a fotletše maoto a borokgo bja gagwe godimo, gomme o be a dutše godimo ga lefelo le lennyane la go oma, ka mokgwa wa go omiša diaparo tša gagwe. Gomme o ile a bona hlapi ye kgolo ye e pshikologa go dikologa ka sethokgweng, gomme ke be ke tlhaphutlha go ya thoko ya yona. A re, "Motsotso feela, Ngwanešu Branham, ke tla go tšeela yona." Gomme a kitimela ntle kua. Gomme ke be ke šetše ke e gogetše godimo, ke a thanka hlapi e be e šetše e bolailwe, e robetše godimo ga maitshwareletšo. Gomme a kitimela ka ntle go e topa. Gomme, ge a dirile, o ile a goeletša, gomme šo o tla morago. Sešišinyi se mo lomile.

⁴⁰ Gomme re ile ra e lebelela, gomme fao go be go le mašoba a meno ka leotong la gagwe fao Sešišinyi se bego se mo rotlile, gomme go be go mo kweša bohloko gampe go fihla ge megokgo e be e le ka mahlong a gagwe. O ile a re, go kwagala o ka re marapo a gagwe a be a no golofala. Gomme re be re le fao, dimaele tše ntši morago ka serorobjeng. Ke monna yo mogolo go ka mo rwala. Gomme ge noga e go loma, o babja kudu ka metsotso e se mekae go fihla o ka hwa. Gomme Leo o be a eme a le gona. Gomme selo se sengwe se ile sa tla mogopolong wa ka, "Wena o sa le Modimo!" Gomme ge a be a swere leoto la gagwe gomme ale tlimaretše, gomme mašoba a magolo a le a meno a mabedi ka fao mo Sešišinyi sa go mo swara, ke ile ka bea diatla godimo ga lefelo leo gomme ka re, "Morena, go ngwadilwe Lentšung la Gago, 'Ba tla gata godimo ga dihlogo tša diserpente le dikgomi, gomme ga go se se ka ba gobatšago le ka mokgwa ofe.'" Gomme ka sona sebaka seo, bohloko bjo bongwe le bjo bongwe bja tlogela leoto la gagwe. A rwala dieta tša gagwe gomme ra thea dihlapu letšatši ka moka.

⁴¹ Ra ya ka gare bošego bjoo gomme ra ba botša ka yona, ba re, "Bokaone o ye go ngaka."

⁴² A re, "Ge Modimo a ntšhireleditše go fihla fa, O tla ntlhokomela tsela ka moka." Re ile ra thea dihlapu matšatši a mararo, go se na le kamego ya go babja le gatee.

⁴³ Modimo e sa le Modimo. O boloka tshepišo ye nngwe le ye nngwe. Gomme go ka moka bodiredi bja ka, ke nako ya mathomo nkilego ka bona Modimo a etla go go longweng ke noga, ka baka la gore e be e le nako ya mathomo mo nkilego ka ba le sebakabotse go rapelela yo mongwe a lomilwe ke noga. Go no re ke le dire gore le tsebe gore O boloka ka moka ditshepišo tša Gagwe, gomme Mantšu a Gagwe ke a mabotse le a therešo. Amene.

44 Elelwang ditirelo bošegong bjo le Laboraro le le tlogo. Gomme rapelelang yo mongwe bjale yo ka nnete a nyakago go rapelelwa, yoo ke nna. Gomme, elelwang, tselang kopano ya Ngwanešu Roberts ge a etla toropong, gomme mo dumedišeng go tšwa tabarenekeleng.

45 Pele re bala Mangwalo, ke—ke nyaka rena re ema ka maoto a rena motsotso feela. Gomme, ka ntle le mmimo, a re nong go opela khorase goba tše pedi tša ye ya letago ya kgale koša ya kereke, “Tumelo Ya Ka E Lebelela Godimo Go Wena.” Ka moka gabotse, yo mongwe le yo mongwe tšoenana thwi ka gare le nna bjale, gomme a re e opeleng. Gomme o seke wa nagana ka fao o opelago, e no e opelela letagong la Modimo. A le ka re fa ketapele ka yona, Ngwanešu Neville?

Tumelo ya ka e lebelela godimo go Wena,
Wena Kwana ya Khalibari,
Mophološi mokgethwa;
Bjale nkwe ge ke rapela,
Tšea ka moka molato wa ka,
O ntumelele go tloga letšatši le
Go ba wa Gago ka go felela!

Ge ke gata mararankodi a leswiswi la
bophelo,
Gomme manyami go ntikologa a alega,
Wena eba Mohlahli wa ka;
Laela leswiswi go fetoga letšatši,
Phumula manyami, dipoifo go tloga,
O se tsoge wa ntumelela go timela
Go tloga go Wena go ya thoko.

46 Ka dihlogo tša rena di kobilwe, ke rata go bala go tšwa go dingwalwa tše kgethwa tša Beibele, Mokg. Mateo, ya 7 tema, ya 13 le ya 14 ditemana. Gomme a nke Morena a oketše ditšhegofatšo tša Gagwe tša go huma ge re Le bala.

Tsenang lena ka kgoro ye e pitlaganego: ka gore kgoro ke petleke, gomme tsela e phatlaletše, ye e išago tshenyegong, gomme ke ba bantši fao ba ba tsenago ka yona:

Ka baka la gore kgoro e pitlagane, gomme tsela ke e tshese, ye e išago bophelong, gomme ba ba sego nene fao ke ba ba tlogo go e hwetša.

47 A re rapeleng. O Modimo, Yo a tlišitšego gape Morena Jesu go tšwa lehung le go tšwa lebitleng, gomme wa Mo neela go rena mosong wo bjalo ka Sehlabelo se se phelago, ka go kokobela re gafela maphelo a rena go Wena ka boswa, ka dikgopolo tša gore O tla ba le kgopolo ye e tletšego rena. Ge re be re sa le badiradibe, re hwetše sebeng le dikarogong, O rometše Morwa wa Gago a tswetšwego a nnoši, a dirilwego ka

sebopego sa nama ya go tlala sebe, go tla go ba seloba sa dibe tša rena, gore Moloki, a tlaišegela bakgopo, gore a re boelanye mmogo gape ka kopanelong le Wena.

⁴⁸ Gomme, O Modimo, ge go na le sebe ka magareng ga rena mosong wo, selo se sengwe se se ka šitišago Moya wo Mokgethwa go re tlišetša Molaetša wa Modimo go ye nngwe le ye nngwe ya dipelo tša rena, re a rapela gore, ka boikokobetšo, Morena, O re lebalele dikarogo tša rena. Re hlwekiše ka Madi a Morena Jesu. Yoo . . . Re a tseba, ka go rena beng, ga se rena selo, gomme re a bolela gore ga se rena selo. Eupša Wena o yo mokgethwa, Wena o therešo, Wena o toko, Wena o wona Mothopo wa mogau. Gomme ka go kokobela re abulela kua lehono, bjalo ka disoulo tše di itsholago. Bjalo ka ge bopaki bo sa tšwa go tšwela ntle, go tšwa Jamaica le go Puerto Rico, gomme fao O šomilego mešomo ye megolo, O Modimo, ke leswao la go tla ga Moloki yo Motee.

⁴⁹ Ka fao Wena wa go phološa Ngwanešu Evans go tšwa go mpholo wa meno a serpente yela, ka baka la gore e be e le modumedi, gomme Mantšu a Gago ka mehla ke therešo. Bjale, Morena, re phološe go tšwa go meno a lehu mosong wo, fao lenaba le re lomilego gomme la re tšhela mpholo. A nke moriana wa Gago wa go fodiša, mosong wo, Morena, o tlatše memoya ya rena gomme o re hlatswe go tšwa go ka moka go se loke. Fodiša go babja ga mebele ya sebele yeo e robetšwego fase ke maatla a lenaba. Ka moka ba ba lego ka Bogoneng bjo Bokgethwa, a nke ba fodišwe.

⁵⁰ Bolela le rena ka Lentšu la Gago le le ngwadilwego, Morena. Ga re tsebe gore re tla reng, eupša Wena o tla e neela. Gomme O a re sebotša, Morena, gomme o re dira gore re lokele go Tla Gago. Ka gore re kgopela se go la Jesu Leina gomme ka baka la Gagwe. Amene.

⁵¹ Ka mehla ke ba llata gannyane, ka baka la gore ke letile bjale. Gomme sekolo sa Lamorena, ke a thanka, se tšwele. Gomme fao go na le se sengwe ka sona, ge ke etla gore ke no kwa o ka re ke na le nako ye ntši. Le a tseba, re ka lepotlapotla kudu, go le bjalo. Ka fao, re ya go no dumela Modimo.

⁵² Morena wa rena o be a efa tshebotšo ye ya tlhokofalo go batho ba moloko wa Gagwe, batho bao e bego e le ba bodumedi kudu. Gomme O ile a re, “Kgoro ke ye e pitlaganago, gomme tsela ke ye tshese, ye e išago Bophelong, gomme fao go tla ba ba ba sego nene ba ba tlogo go E hwetša.” Bjale, e be e se ka baka la gore e be e se ba bodumedi. E be e le ba bodumedi kudu. Gomme ka baka la gore ba be ba tshephetše kerekeng le go dithutotumelo le dikereke tša maina, gomme ba be ba dumela (go fihla bokgole) go Modimo, ba be ba gopola selo se sengwe le se sengwe ka moka se be se le gabotse. Eupša O be a ba botša gore fao go be go tla ba ba se nene ba ba tlogo go tsena ka gare.

53 Gomme ke a makala mosong wo ge eba nka se kgone go swantšha moloko wola le moloko wo. Le a bona, e be e le go tswalelweng ga lebaka la Bajuta, gomme O be a šupa morago go a fapanego le mafelo a go fapana a mabaka a go fapana, gomme o be a ba botša gore sona selo se se bego se dirwa ka mabakeng a go feta se be se dirwa pele ga bona. Gomme ba feila go se lemoga. Gomme a re boneng tše dingwe tša dilo tše A bego a bolela ka tšona.

54 Ba, mohlala, be ba sa dumele gore Modimo o be a le ka Monneng. Seo e be e le sešitiši se segologologolo seo ba bego ba swanela go se namela bokagodimo, e be e le gore go tla bjang Yena e le Monna gomme a itira Modimo ka Boyena. Ba be ba sa kgone go bona gore Modimo a ka kgona go dula bjang ka nameng ya motho. Gomme go ka moka mabaka, dinakong ka moka, Modimo ka mehla o be a dula ka mothong. Monna ke sedirišwa sa Modimo. Ka go moloko wo mongwe le wo mongwe, Modimo o bolela le batho ba Gagwe ka dipounama tša motho. Ka mehla O kgetha yo mongwe goba selo se sengwe se A ka kgonago go se šomiša.

55 Gomme O be a šupa go bona, bjalo ka sešitiša se se bjalo, ka Abraham. O rile, a ba botša, “Ge le ipitša ka bolena ‘bana ba Abraham,’ Abraham ‘tatago’ lena, o bone letšatši la Ka gomme a thabela go le bona. Abraham, moporofeta.” Gomme ga go na le go kamaka gore Jesu o be a šupa go bona gore O ile a ba netefaletša gore O be a le Mesia, ka baka la gore leswao la Mesia le be le Mo latela. Gomme go be go le ka tsela yeo go kgabola moloko wo mongwe le wo mongwe, leo, ke leswao la Mesia. Eupša go le bjalo Yena a itira ka Boyena Modimo, Mesia ka Boyena, seo se be se ba šitiša. Ba be ba sa kgone go se kwišiša.

56 Bjale, ge Abraham (yo ba bego ba mmitša tatago bona) o ile a kopana le Modimo, O be a le nameng le yena, ka baka la gore O ile a ja nama ya namane, a ja borotho bja mabele, gomme a nwa maswi, le pоторo, bogoneng bja Abraham, gomme go le bjalo O be a le Modimo. Abraham o ile a Mo lemoga, Modimo, gomme a Mmitša “Elohim,” e lego Ramaatlaohle Jehofa. Monna a apere diaparo, a na le lerole Mmeleng wa Gagwe, gomme a dutše ka fase ga mohlare, morithing, gomme a ja nama gomme a nwa maswi. Ka gona bao ba tša go tonya, dipelo tše mpe, ba go rata go ikhola, Bajuta ba go loka ga se ba ke ba kgona go Mo dumela go ba Morwa wa Modimo, gomme ba be ba bitša Abraham tatago bona. Gomme O be a ba dira gore ba tsebe gore O be a dira dilo tše di swanago, ka nameng ya Gagwe, tšeo Modimo a di dirilego ka nameng ye nngwe ge A kopana le tatago bona, Abraham. Gomme Abraham a e dumela. Gomme bona ga se ba ke ba kgona go e dumela.

57 Le a bona, ge Abraham a be a dutše ka fase ga tente ya gagwe ka baka la gore o be a dirile kgetho, gomme kgetho yeo e tlišwa pele ga motho yo mongwe le yo mongwe yo a

tswetšwego mo lefaseng le. Sehlare sa botse le bobbe se beilwe pele ga motho yo mongwe le yo mongwe. Gomme ge Loto, motlogolo wa gagwe, gomme badiši ba bona ba thoma go phegišana ka mabala; Abraham, e lego monna wa go loka, a re go bona, “A go no se be dingangišano magareng ga rena. Le no kgetha tsela ya lena ya go ya.” Lefelo leo le tla ka bophelong bja modumedi yo mongwe le yo mongwe. Gomme le pele ga gago mosong wo, gomme le pele ga ka.

⁵⁸ Loto o be a sa nagane gore o be a eya go kgeloga, gomme o ile a ya a lebelela Sodoma fao dilo di bego di le bonolo. Gomme fao go na le dinako tše ntši fao re lebelelago thokong ya tsela ye bonolo. “Ke tla tšoenya ye kereke ye e itšego-e itšego, gomme, le a bona, ga go motho yo a ka bolelago eng kapa eng kgahlanong le yona, ka baka la gore ke kereke ye kgolokgolokgolo ka toropongkolo.” Tsela ye bonolo! Dinako tše ntši re dira seo, ge, re le phošong!

⁵⁹ Elelwa, ge o latela Kriste, o tla hloiwa ke batho, ka gore ka moka ba ba phelago bomodimo ka go Kriste Jesu ba tla tlhaka ka ditlaišego. Gomme ge o etla go Kriste, o ka se tle ka kereke ye e itšego goba kereke ya leina ye e itšego, goba thutotumelo ye e itšego. O tla tla ka Madi, woo ke mokgoba o nnoši wa go tsena. Gomme o ka se kgone go tliša yo motee le wena, o tla tla o nnoši gomme wa ema godimo ga boipolelo bja gago mong le tumelo ya gago mong. O ka se otlele ka gare godimo ga modiša, goba godimo ga tumelo ya mmago. O tla tla bjalo ka motho a nnoši ge o etla go Modimo! Gomme dinako tše ntši re dira dikgetho tšeo tša bošilo.

⁶⁰ Go be go ka reng ge Loto, a be a bona selo se sengwe le se sengwe bonolo . . . ? O ile a bona fao go bego go na le tšhelete ye ntši le botsebalegi bjo bontši, ka baka la gore o be a tla ba mosetsebj, le monna wo mokaone, wa go rutega, saekholotši ye ntši, gomme o be a ka kgona go dira dilo tše di itšego gomme go le bjalo a babalela bodumedi bja gagwe. O ile a gopola, “Ke na le tumelo go Modimo, ka fao ke tla no ya tlase ka Sodoma gomme ke—ke tla dira tšhelete ya tlaleletšo, gomme ke tla ba monna yo mogolo, mohlomongwe moreri wa go makatša.” Le a bona, o na le kgetho ye o swanetšego go e dira.

⁶¹ Gomme motho wa mafelelo ka kerekeng o na le kgetho ye a swanetšego go e dira. “Ke tla ya tlase go kereke ye e itšego kua. Oo, yo mongwe le yo mongwe ka toropong o nagana gore ye ke yonayonayona! Ka baka la eng, meyara wa toropokgolo ke wa kereke ye.” Bjale, a ka kgona go ba wa kereke ye e lego ye kaone, eupša go le bjalo o swanetše go ahlola kereke yeo le batho ba yona ka Mangwalo. Dinako tše dingwe ba a ya ka baka la gore ke tsela ye e tsebalegago, ba—batho ba apara bokaonekaone ba ba yago mafelong a a itšego. Gomme fao go na le mo re dirago ye—ye kgolo phošo. Bjale ela se hloko.

62 Gomme Abraham, selo se nnoši se a bego a kgona go se dira e be e le go tšea kgetho ya bobedi. Gomme dinako tše dingwe kgetho ya bobedi ke ye kaonekaone go feta ya pele, ge e tšewa ka mokgwa woo. Ela hloko, e be e se botelele, ge Loto a bona toropokgolo ye kgolo, ga se a bona mosadi wa gagwe a fetoga pilara ya letswai, go le bjalo, ga se a ke a bona mollo o tšhuma toropokgolo. Eupša Abraham o ile a tšea tsela le banyatšhiwa ba Morena bao ba sego nene. O ile a dula maganatheng.

63 Gomme, go le bjalo, go be go ka reng ge Sarah nkabe a ile a re...Bjale elelwang, Sarah e be e le mosadi yo mobotsebotsebotse ka nageng ka moka. Fao go be go se mosadi yo mobotse bjalo ka Sarah. Yo mongwe le yo mongwe, yo a bego a mmona, o be a mo rata. Bjale, go be go ka ba bonolo bjang go Sarah go tšea kgetho ya mohuta wo. Eupša o ile a kgetha go dula le Abraham.

64 Oo, basadi, le seke la dumelela Diabolo go le fofatša, ka go tsebalega le go tšoeni se le sela. Le dule le Kriste! Ka gore, iri e kgauswi, ditshenyo tše kgolo di robetše pele, tše mpempe go feta Sodoma le Gomora, tša naga ye. Sodoma le Gomora e tla ba dinyane go yona.

65 Bjale, ge Abraham a tšere tsela ye a e filwego ke Modimo, gomme o be a na le naga ya go ota, o be a sa atlege le gannyane. Eupša go le bjalo o be a tseba selo se setee, o be a direla Modimo gomme a dumela Modimo.

66 Ka fao letšatši le lengwe fao gwa tla banna ba bararo, gomme ba be ba na le lerole gabotse gomme ba lapile, gomme Abraham o ile a ba kwela bohloko, a re, "Etlang fa gomme le dule fase ka tlase ga mouku lebakana le lennyane feela." Gomme ge a sa eme fao a bolela le bona, o ile a lemoga gore e be e no se be banna ba mehleng. Ka polelo ya bona, ba be ba fapane. Gomme Abraham o ile a ya a bolaya namane gomme a e dira gore e lokišwe, gomme a dira Sarah gore a dire borotho gomme a lokela go ba fepa.

67 Bjale elelwang, ba babedi ba bona e be e le Barongwa, Barongwa ka nameng ya motho, gomme yo motee wa bona e be e le Modimo ka Boyena. Gomme yo Motee yo e bego e le Modimo o be a na le magetla a Gagwe a fularetše tente.

68 Gomme Sarah o be a dutše ka tenteng. Ke rata go bona mosadi a boloka lefelo la gagwe ka mokgwa woo, e sego go ya ka ntle a botša monna wa gagwe gore a dire eng, gomme nako ye nngwe le ye nngwe yo mongwe o tla go dikologa. Eupša o ile a dula ka tenteng. Ga go na le go kamaka, mohlomongwe a hlatswa dibjana goba a dira selo se sengwe.

69 Gomme yo Motee Yo e bego e le Modimo, O ile a tšwela pele a lebelela go dikologa thoko ya Sodoma, gomme A ba botša se A bego a eya go se dira. Gomme Barongwa ba babedi ba ile ba ya tlase ka kua go rera Ebangedi. Eupša

yo Motee o ile a dula morago, yoo e be e le yo Motee yo e bego e le Modimo, gomme A re, “Nna ga ke ye go lobela Abraham diphiri tše Ke di tsebago, ka baka la gore o ya go ba mojabohwa bja lefase.”

⁷⁰ Oo, re na le tokelo mosong wo, kereke, go tseba diphiri tša go Tla ga Morena. Ka gore, “Bašegofatšwa ke badirakhutšo, ba tla bitšwa bana ba Modimo. Bašegofatšwa ke bao ba swarwago ke tlala le go nyorwa, ba tla tlatšwa. Bašegofatšwa ke basekegi ka pelong, ka gore ba tla bona Modimo. Bašegofatšwa ke ba boleta, gobane ba tla tšea lefase bjalo ka kabelo ya bona.” Ka gona, ge kereke ya Modimo yo a phelago e tla tšea lefase bjalo ka kabelo ya yona, fao ga go diphiri tše di ka beelwago go yena.

⁷¹ “Ka moka tše Tate a Mpoditšego tšona, Ke le boditše,” gwa rialo Jesu. Gomme ga se bake ba kgona go Mo dumela.

⁷² Ka fao matšatšing a Abraham, bjalo ka ge A be a šupa go bona, O boletše seo ge Abraham a be a bolela le Morongwa, gomme magetla a Gagwe a be a furaletše tente, gomme A botša Abraham gore O be a eya go mo etela le ngwana. Gomme Sarah, ka tenteng, a sega. Gomme A re, “Ke ka baka la eng Sarah a segile?” Na O be a laetša eng? “Ke ka baka la eng Sarah a segile?” E be e le feela diiri di se kae pele ga tshenyo, ge seo se direga. Feela pele ga tshenyego, mollo wola wa tla go tšwa magodimong gomme wa tšhuma toropokgolo, gomme leswao leo le ile la dirwa.

⁷³ Gomme Jesu o rile, “Le dira phošo,” go dingaka tše kgolo tša bokgethwa, go setšhaba sa bodumedi fao ka ponagalo dimilione e be e le badumedi. O rile, “Le dira phošo, ka go se tsebe Mangwalo le ge e le Maatla a Modimo.” Go moloko wa go swana le wola, woo e bego e le banna ba ba hlahlilwego gabotse, bao e bego e le baithuti gomme ba emišitše kereke. Ge ngwana a be a belegwa, e be e le phahlo ya kereke. O be a swanelwa ke go ba Moiserale. Matšatši a seswai ka morago ga tswalo ya gago, e be e le lebollo, gomme o be o le Moiserale sa mathomo. Gomme boprista bo be bo etšwa go Balifi, bao ba bego ba hlahlilwe go kgabola mengwaga ye makgolo Mangwalong. Go le bjalo Jesu o rile, “Le dira phošo, ga le tsebe Mangwalo!” Ba be ba a tseba ka pukung ya bona beng ya go ithuta, ba be ba a tseba ka dikatikasemeng tša bona, ba be ba a tseba ka thutobomodimo ya bona beng. Eupša Jesu o rile, “Ga le A tsebe, Mangwalo, le bile ga le tsebe Maatla a Modimo. Ge nkabe le tsebile Abraham, nkabe le Ntsebile. Ge nkabe le be le le bana ba Abraham, nkabe le ntsebile, ka baka la gore Abraham o ile a thaba ge a bona letšatši la Ka, ka gore o bonetše letšatši pele. Ge Ke be ke eme pele ga gagwe morago kua, ka mmeleng wa nama, gomme ke dira tše, o ile a tseba gore e be e le Nna, gomme a Mpitša ‘Elohim.’ Eupša fa Ke dira selo se se swanago pele ga lena, gomme le Mpitša ‘Beletsebabu.’”

“Oo,” ba re, “re na le Abraham tate wešu.”

“Le bitša Abraham ‘tatago’ lena?”

⁷⁴ A re, “Ka lebaka la eng, rena, ke rena ba kereke. Ke rena setšhaba sa bodumedi. Ke rena batho ba bagolo. Ke rena batho ba Modimo!”

Jesu a re, “Ke lena Diabolo, ke tatago lena.”

⁷⁵ A nka swantšha moloko wola le wo motee wo. Lehono, ge go na le ka ponagalo dimilione tša batho ba ba bolelago Bokriste, gomme ba sa tsebe go feta ka Modimo go feta ka fao Mohothenote a ka tsebago ka lešole la Egepete. Fao go na le banna le basadi lehono, ka ponagalo dimilione ba ba bolelago Bokriste ba ba teleimago Kriste, ga ba tsebe molawana wa pele wa Maatla a tsogo ya Gagwe, gomme ga se ba ke ba latswa bobotse bja Gagwe. Ga se ba ke ba kwa Maatla a Gagwe. Mahlo a bona a fufetše go Therešo.

⁷⁶ A re, “Le difofu, bahlahli ba difofu. A se ka...se...ge sefofu se hlahla sefofu, a ka moka di ka se wele ka moleteng?”

⁷⁷ Ka gona ba a gopola, “Re Bakriste. Re badumedi. Re ba dikereke tša godimodimodimo tšeo di lego gona. Baruti ba rena ke baithuti ba ba hlahlilwego bokaonekaonekaone ba lego bona.” Gomme go le bjalo Jesu o ba boditše gore ba be ba sa tsebe le ge e ka ba Mangwalo.

⁷⁸ Bonang ka fao Modimo a e utilego go mahlo a ba bohlale le ba tlaaloganyo, gomme a e utolla go masea a a tlogo go ithuta? Oo, Maatla a magolo le go se felelwe ga Modimo! O lokile bjang go bao ba nyakago go sepela ka go otlologa pele ga Gagwe! A ka seke a thibela dilo tše botse.

⁷⁹ Gomme go bona letšatši ge setšhaba sa rena, lefase la rena, le bodišitšwe ke selo se se swanago!

⁸⁰ Jesu o be a nyaka ka go nepagala go ba otlolla. Ba rile, “Oo, Abraham ke tatago rena. Gomme re tla ba Letagong, o seke wa tshwenyega ka seo, ka baka la gore re dumela go Modimo. Re diphorofesa, gomme re dumela go Modimo, gomme re ruta batho ba rena. Gomme O mang wena wa go tla tikologong fa ka le—leswao la kgale la sephiri se sennyane gomme o leka go se bitša Modimo? Ga se wena selo ge e se Beletsebubu.” Fao ke wena, ba be ba na le dithutotumelo tša bona le kereke ya bona ya leina.

Jesu o ba boditše, “Ke lena Diabolo.” Nagana ka yona!

⁸¹ Gomme nka swantšha moloko wola le wo, lehono ge re na le ba dimilione ba ba tšoenago dikereke, re na le masome a dikete. Gomme Modimo o tla fase go phela ka kerekeng ya Gagwe gape, gomme le go dira dilo tše di swanago tše A di dirilego kua, go itira ka Boyenang yo a swanago maabane, lehono, le ka gosafelego. Gomme batho ba retolla magetla

a bona go tloga go yena, kgafetšakgafetša, ba bangwe go ba batsebalegi, ba bangwe ba šikologa go dira kgetho. Ke kgapeletšo go batho! O swanetše go dira kgetho. O ka se kgone go ema magareng. O swanetše gore “eye” goba “aowa.” O ka se ke wa be wa tlogela mojako wola o le motho yo a swanago le ge o tsena ka gare. O ka se kgone go e dira. O na le kgetho yeo o swanetšego go e dira. E direle Kriste mosong wo.

⁸² Ba be ba gopola gore selo se sengwe le se sengwe seo e bego e le sa kereke se be se tla phologa. Jesu o rile, “Kgoro ke ye e pitlaganego, gomme tsela ke ye tshese, gomme eupša ke ba ba sego nene fao ba ba tloga go e hwetša.”

⁸³ Anke ke le sebotšeng mosong wo, kereke, hlokomelang. Go tšea nako lehono, ka go wa rena wa toko ya bowona, go anela ga bowona moloko wa boikaketši wo re phelago ka go wona. Iri ya gore ge banna le basadi ba ema ka dikerekeng le ka difaleng, gomme ba opela dikoša tša Modimo, gomme ba sepela ka ntle ga kereke gomme ba kgoga disekerete, gomme ba e nwa wisiki, gomme ba eya ditantsing, gomme—gomme ba phelela lefase, gomme ba bolela ya ditšhila, ya go kgomarela metlae, gomme ba ipitša ka bobona “Bakriste.” Ge banna le basadi ba sepela go tloga phuluphithing goba go tloga kerekeng, gomme go tloga lefelong la Maatla a tsogo, fao leswao lela le le swanago la Bomesia le sepelago magareng ga bona, gomme e se goba sebopiwa se seswa ka go Kriste, fao go na le selo se sengwe se se fošagetšego. Ge dipampiri di kgona go le thuntšha; gomme go tloga lebopong go ya lebopong, morago le pele, go tloga dileteng tšeo di kgahlilego tša Lebowa go ya go dikgwa tša theropiki tša Borwa, Modimo o le rometše, gomme batho kgafetšakgafetša ba retolla magetla a bona godimo ga lona. Gona re ka kgona go reng, re ka kgona go dira eng? Re boela morago go Mangwalo fao A rilego, “Kgoro ke ye e pitlaganego, gomme tsela ke ye tshese, gomme eupša ba ba sego nene fao e tla ba ba ba e hwetšago.”

⁸⁴ O rile, “Bjalo ka ge go bile bjalo matsatšing a Noage, ka fao go tla ba bjalo ka go Tleng ga Morwa motho.” Theetšang, matsatšing a Noage, lefase le be le phophoma ka batho e ka ba go no swana le ka fao go lego lehono. Saentshe ya bona e be e feta ya rena. Ba be ba aga mefekefeke le diphiramiti gomme ba dira dilo tše re sa kgonego go di dira lehono. Ka go fetiša, ba bagolo, ba bakaone batho. Gomme elelwang, saentshe e re lehono, “Ke motsotso o motee pele ga bošegogare.” Ke motsotso o motee pele ga ge tleloko e ratha iri ya lehu. Go latile go feta ka fao re naganago. Ke a holofela gore—tshepa gore Moya wo Mokgethwa o tla nweletša se ka go pelo ya modumedi yo mongwe le yo mongwe, “bjalo ka matsatši a Noage”!

⁸⁵ Ke ba bakae ba ba go phološwa matsatšing a Noage, go tšwa go moloko wola? Seswai, seswai go tšwa go dimilione tše ntši. O rile, “Ka fao go tla ba bjalo ka go Tleng ga Morwa wa motho.”

86 “Gomme bjalo ka ge go bile bjalo matšatšing a Sodoma, ka fao go tla ba bjalo le go Tleng ga Morwa wa motho.” Ka godimo ga masome a dikete, fao go bile ba bararo ba ba go phološwa.

87 O ka re go nna gona, “Moreri, go reng ka ka moka ba dikete ba ba yago go tla le Yena?” Bjale, ngwanešu, yeo e dirilwe go kgabola meloko ye mentši.

88 Nka tlabega ge tasene e ka tla go tšwa molokong wo. “Kgoro ke ye e pitlaganego, gomme tsela ke ye tshese, gomme eupša ba ba sego nene fao e tla ba ba e hwetšago.”

89 Oo, ke tseba dikereke, seo di se bolelago, “Ge o bea leina la gago godimo ga puku gomme o ba leloko, se, ka moka o gabotse.” Fao ga go Lengwalo le le bjalo. Ge se sengwe le se sengwe se na le leina la sona godimo ga puku, le ka—ka kerekeng, fao go tla ba dibilione atiša ka dibilione atiša ka dibilione, selo se se sengwe le sengwe se tla ya ka gare. Gona ka moka mehuta ya memoya e tla ba ka kua, gomme Legodimo le tla ba ka go mohuta mang wa leemo? Nagana ka yona bjale.

90 Bjalo ka ge yo mongwe a ka re go nna, “Bjale ema motsotso, Ngwanešu Branham. *Semang-mang*, ke ba kwele ba bolela ka maleme, ke a tseba ba tla phomelela.”

91 Seo ga se gore ba tla phomelela le gatee. Paulo o rile, ka go Ba Pele Bakorinthe 13, “Le ge nka bolela ka maleme a batho le a barongwa, gomme ka hloka lerato, ga ke selo.”

92 “Oo, ke ile go kopano ya *Semang-mang*. Oo, o dirile ye megolo, ye maatla mediro. Ke mmone a dira difofu gore di bone.”

93 Go le bjalo a ka kgona go lahlelega. “Ba bantši ba tla tla go Nna ka letšatši leo gomme ba re, ‘Morena, a ga se ka rera Leineng la Gago, go porofeta? A ga se, Leineng la Gago, ka rakela meoya ye mebe ntle? A ga se, Leineng la Gago, ka dira mediro ye mentši ye megolo.’ O tla re, ‘Tlogang go Nna, lena badiri ba bokgopo, Nna ga se nke ke be ke le tsebe.’” “Kgoro ke ye e pitlaganego, gomme tsela ke ye tshese, gomme eupša ke ba ba sego nene fao ba ba tlogo go e hwetša.”

94 A nke ke le fe dikakanyo tšeo di tlogo go le šišinya. Go ya ka saentshe ya tša dihlare, ka toroponggolo ya Chicago, go ya ka dipalopalo tša ngaka, fao go na le ditirelo tše dikete tše masometharo tša go dukula dimpa ka Chicago e nnoši, mo matšatšing a masometharo, tšeo dingaka di nago natšo. Ke tše kae dipilisi tše nnyane tše le dilo tše ba di nwago, tša ditiragalo tša go dukula mpa?

95 Dipalopalo di a laetša, ka United States, gore fao go na le bana ba bantši ba ba tswalwago ka ntle ga molao go feta bao bana ba lenyalo le lekgethwa. A le be le tseba gore Beibele e rile, ka go Doiteronomio 14:2, gore “ngwana wa go tswalwa ka ntle ga molao, go tla tšea mengwaga ye makgolonne gore seo se fele”? Bana ba bana ba bana ba bana ba bana ba bona

ba ka se kgone go ema phuthegong ya Morena, lebaka la mengwaga ye makgolo a mane, meloko ye lesome. Mengwaga ye masomenne ke moloko. Rakgolokhukhu-khukhu-khukhu-khukhu-khukhu-khukhu wa bona e be e le ngwana yo a tswetšwego ka ntle ga molao, o ka ntle ga seswantšho! Bjale eng? Ntaetšeng fao e fetogilego.

⁹⁶ Na re tla go eng? Gomme bjale ba go tswalwa ka ntle ga molao, ka baka la bootswa, le basadi ba go tlala sebe ba go apara bjalo ka monna seterateng, seo e lego makgapa mahlong a Modimo, bakgogi ba disekerete, banwi ba dinotswakwa, bao ba bitšwago Bakriste ba go boletwa. Modimo o iletša sehlopha se se bjalo sa diotswa! Seo ke therešo. Ka gona ba ipitša Bakriste ka bobona? Ga go makatše ge Jesu a rile, “Kgoro ke ye e pitlaganego, gomme tsela ke ye tshese, eupša ke ba ba sego nene fao ba ba tlogo go e hwetša.”

⁹⁷ Ba ka seke ba ikokobetša ka bobona. Ke ba dikgokgorothwana. Lebelelang, ge Dafida a boditšwe ka sebe sa gagwe se a se dirilego, ka bjako o ile a sokologa, gomme Modimo a mo ratela sona. Ba botše ka dibe tša bona, ba tla re, “Nka se tsoge ka fifatša mojako gape.” Ka baka la eng? Ba na le mafelo a mantši mo ba ka yago, ba ka kgona go ya diokwaneng tšeo tša ka ntle ga molao gomme ba phela le tše bjalo. Eupša ke nako ya gore bareri ba apare tlhamo ya go tlala ya Modimo gomme ba rere Lentšu ntle le go tšimeletša, Ebangedi. Banna ba swanetše ba ikokobetše ka bobona.

⁹⁸ Fao ga go sa na le go hlokofala magareng ga Bakriste gape. Ba nyaka gore, “Ke nna Momethodist, ke nna Mobaptist, ke nna Mopentecost,” seo ga se re [Ngwanešu Branham o thwantšha menwana ya gagwe—Mor.] seo go Modimo.

⁹⁹ “Ke boletše ka maleme, ke dirile mehlolo.” Re bea kgatelelo ka moka godimo ga seo, mola e le se sengwe sa dilo tše di fofatšago kudukudukudu tše ba ka kgonago go di dira. Nnete. Pula e nela godimo ga ba ba lokilego ka tsela ye e swanago go ba ba sa lokago. Pula e nošetša mabele go swana le ka fao e nošetšago ngwang, Roy. Pula ye e swanago, Moya wo Mokgethwa wo o swanago o wela godimo ga batho. Seo go le bjalo ga se re . . . Tlhago ya bona e swanetše go ba ye e fapanego, go tšwa ka gare go ya ka ntle. E sego ponagatšo ya ka ntle goba tšhupetšo, eupša Moya wa ka gare wa Modimo yo a phelago wo o dirago motho yola sebopiwa se seswa, wo o kokobetšago pelo ya wa senna goba wa sesadi pele ga Modimo.

¹⁰⁰ O re, “Moreri, o nyaka go mpotša gore o kamaka gore tasene go tšwa go dimilione le dibilione tše nne tša batho lefaseng?” Ke a kamaka ge e ba fao go tla ba tasene yeo e tla diraga Tlhatlogo. Nagana ka yona! Ke le botša seo Jesu a se boletšego fa ka go Ebangedi. Nagana ka sona!

101 Seo se tšwa kae? Ka baka la gore go hloka maitshwaro go tsena magareng ga batho, bana ba go tswalwa ka ntle ga molao ba ile ba thoma go belegwa, seo sa ba phumula. Le a bona, re ka kgona go ema mo diiri, re bea dilo tšeo, gomme le tla kgona go bona gore re phela ka go wa go senyega, wa go ahlolwa, wa go bola go fihla botebong moloko wa batho. Ga go makatše ba ka se kgone go bona maswao, ga go makatše ba ka se kgone go kwa Ebangedi, ba thatafaditšwe dipelo, ba no ba ba bodumedi la ba boruti.

102 Jesu ga se a bolela seo gore, “Moya o boletše ka go gatelela, matšatšing a mafelelo e tla ba ba bathata, ba megopolo ya godimo, ba go rata maipshino go feta go rata Modimo, babatasekgoro, ba go se itshware, ba manganga, manaba a tše botse, ba na le sebopego sa bomodimo?” Le a bona? Oo, o ka kgona go goelela, nnete. O ka kgona go bolela ka maleme, nnete. Tumelo e tla rakela bodiabolo ntle, nnete. Eupša seo ga se se re bolelago ka sona.

103 Ka gona le re go nna, “Ngwanešu Branham, ke eng leswao la Mokriste? Ke mang yo a tlogo go phološwa? A o tla phološwa, Ngwanešu Branham?” Ke tshephela seo go Modimo. Ga ke tsebe. Ke dumela gore ke dirile. Ke bapetša bophelo bja ka, letšatši le letšatši, le Lentšu. Ge bo sa phele go fihla go Lentšu le, gona fao go na le selo se sengwe se se fošagetšego, ke swanetše go ya morago gomme ke lokiše.

104 “Go lokile,” e re, “Ngwanešu Branham, ge batho ba bolela ka maleme, a seo ga se re gore ba phološitšwe?” Aowa, mohlomphegi! Aowa, le gatee! Ke ile ka kwa baloigadi le baloi ba bolela ka maleme, le ka moka mehuta ya ditšhila. Ke bone batho ba bolela ka maleme gomme ba phela le mosadi wa monna yo mongwe. Ke bone batho ba bolela ka maleme, gomme ba tabogela godimo le fase gomme ba goelela mo o ka rego ntlo e a swa, gomme ba eya ka ntle gomme ba goga dikwano tša bokgopo, gomme ba utswa, ba bolela maaka, le se sengwe le se sengwe. A o ka letela seo bjang? Aowa, mohlomphegi.

105 E le ba kereke, matikone ka kerekeng, ba bakgethwa ka fao ba ka kgonago. Ka baka la eng, o nagana gore ba ka reka petrole ka Lamorena? Aowa. Eupša ka Mošupologo ba dira se sengwe seo e lego ditšhila le sa go bola le sa tlase fase. Modimo o dula ka pelong, e sego ka ntle, ke selo se sengwe se se tšwago pelong.

106 “Kgoro ke ye e pitlaganego, gomme tsela ke ye tshese, gomme eupša ke ba ba sego nene fao ba ba tlogo go e hwetša.” Bjalo ka ge go bile bjalo matšatšing a Noage, seswai go tšwa go dimilione tšeo; bjalo ka ge go bile bjalo matšatšing a Sodoma, ba bararo go tšwa go milione; ka fao go tla ba bjalo go tlang ga Morwa wa motho.

107 Gomme le bona tshenyego ye re lego go yona. Le bona ka fao kakanyo ye nngwe le ye nngwe, monna, o tšwela ka ntle kua gomme Diabolo o dira bareri ba bakaone go ema ka phuluphithing gomme ba dumelela batho go feta le yona.

108 Letšatši le lengwe motho o rile, “Nka seke ka ba le wena phuluphithing ya ka, o tla dira basadi ba ka gore ba gafe.” Aowa, ba šetše ba le ka tsela yeo. Le tla ba tliša go mogopolo wa bona wa maleba, la ba botša fao go tlogela go apara diaparo tše le dilo. Gomme, go lokile, yo mongwe o swanetše go e dira.

109 Ke ile ka re go mosadi wa ka, “A ke a gafa, ka bonna? A ke a hlanya? Goba, na molato ke eng ka nna?” Selo se sengwe ka gare ga se kgone go swara go homola. Ke swanetše ke Se bolele, ga ke tshenyege ka se yo mongwe a se bolelago.

110 Ba re, “O ya go senya bodiredi bja gago.” Go lokile, bodiredi bjo bongwe le bjo bongwe bjoo Ebangedi e ka bo senyago, bo swanetše go sennngwa.

Modimo o re fa sebate go emela se e lego Therešo gomme re bolele Therešo ka yona! Ke sebe, ke go nyatšega!

111 “Kgoro ke ye e pitlaganego,” go boletše Jesu, “gomme tsela ke ye tshese.” Gomme lena ba le naganago dimilione, gomme ka moka lena Mamethodist, Mabaptist, Mapresbyterian, Mapentecost le yago ka gare, le tla tlaetšwa ka letšatši leo. Jesu o rile, “Ba bantši ba tla tla gomme ba dula fase ka Mmušong, ba re, ‘Ke na le tokelo ya go ba fa.’” O rile, “Eupša bana ba Mmušo ba tla ba rakela ntle. Fao go tla ba le go lla le go golola le ditsikitlano tša meno.” Bokaonekaone ke go itšea mohlala mosong wo, Mokriste. Fao go tla ba masome atiša ka dimilione di atiša ka dibilione tša bao ba bolelwago go ba Bakriste, le ba go tsema medu ka bophelong bja bona, bao ba tlogo go foša kgoro. Jesu o boletše bjalo.

“Ke ba bakae ba ba yago ka gare?”

112 Ga ke tsebe gore ke ba bakae ba yago. Selo se nnoši ke, “Modimo, a nke ke be yo motee wa bona!” Seo ke yona. Ke Moahlodi. “A nke ke be yo motee.”

113 Le re, “Ngwanešu Branham, o ka kgona go bolela bjang gona gore neng Mokriste?”

114 Ga ke tsebe. Eupša a ke le botšeng seo Lengwalo le se bolelago. Ka nnete le dumela Leo. Ge Moya wo Mokgethwa o rometšwe lefaseng, Modimo o boletše ka Moya wo Mokgethwa. O rometše morongwa pele—pele, la mathomo. Gomme A re, “Eya go kgabaganya toropokgolo magareng ga batho, gomme o bee leswao godimo ga diphatla tša bona, tša bao ba fegelwago gomme ba lla ka baka la makgapa, ba lokiša dilo tšeo.”

115 Na makgapa ke eng? Mosadi yo a ka aparago seaparo se se swanago le sa monna. Se dira Modimo gore a babje. A o

kile wa ya tikologong fao selo se sengwe e lego sa makgapa? Ka fao se go babješago ka gona! O ka se se emele. Mosadi yo a ka aparago seaparo se se swanago le sa monna, ke ka tsela yeo e dirago Modimo gore a ikwele ka gona; o ka no opela ka khwaereng, o ka no rapela letšatši le lengwe le le lengwe, gomme wa goelesa letšatši le lengwe le le lengwe, goba wa phelela Modimo letšatši le lengwe le le lengwe, o ahlotšwe Bogoneng bja Modimo. Seo ke tšwa se Lengwalo le se boelago. “Makgapa!” Gomme bao ba phagamišago se se bjalo ba tla ba le karolo le se se bjalo.

116 Modimo re fe mogau go ema kgahlanong le se se bjalo. Ge e le gore o swanelwa ke go ema ka bowena, ema fao gomme o sware Lentšu la Modimo ka seatleng sa gago. Le ka se tsoge la feila.

117 Bjale re tlile letšatšing, fao, makgapa a batho. Gomme Morongwa o tšwetše pele a tswalela gape. Nkhweletše motho yo motee ka Jeffersonville, ge o nyaka go tseba gore ke mang yo a yago go e kgona, nkhweletše motho yo motee ka toropongkgolo ya rena yo a fegelwago gomme a lla, kgafetšakgafetša a hlopšha gomme a lapišitšwe, gomme a rapelela makgapa a a dirwago ka toropongkgolo. A o ka kgona go emiša seatla sa gago gomme wa e bea godimo ga motho o tee? Gona tšea Lengwalo le, “Kgoro ke ye e pitlaganego, gomme tsela ke ye tshese, ye e išago Bophelong, ke ba ba sego nene fao ba ba tšago go e hwetša.” Bao ke bona ba nnoši bao ba bego ba swanetše go tswallelwa.

118 Oo, nka kgona go go laetša bontši bo ya kerekeng. Nka kgona go go laetša bontši bo opela ka khwaereng. Nka kgona go go laetša bontši ba ba rutago sekolo sa Lamorena. Nka kgona go go laetša bontši ba e lego hlogo ya—ya disosaiti tše kgolo. Nka kgona go go laetša bontši ba ba goeletšago, bontši ba ba boelago ka maleme, ba bantši ba ba šomago ka mošomong wa Ebangedi.

119 Eupša ntaetše yo motee yo tlase ka pelong tša bona ba tshwenyegile ka dibe tša lefase! Ntaetše moreri yo a ka kgonago go ema lehono gomme a ahlola dikereke tšeo tša maina. Ntaetše moreri yo a ka emago gomme a bolela dilo, gomme a ahlola tšona dikereke tša maina. Bokaonekaone a seke, o tla ragelwa ka ntle, seo ke thekethe ya gagwe ya dijo.

120 Ga go makatše Billy Graham o ile a botša Jack Moore, a re, o seke wa bona ka fao dikopano tša ka di emego, a re, “Ga se Mobaptist, ebile ga se Momethodist goba Mopentecost.” A re, “Gomme ka moka ga bona ba kgahlanong le yena.” Nnete, ga ke bolele seo. . . Lebaka leo ke rilego, nka se kgone go se bolela ntle phatlalatša. Ke se bolela go kereke ya ka mong. Ke na le go gapeletša, ka lebaka la gore iri ya go leka e godimo ga ka.

121 Ba re, “Ge o ka tla, ka moka e tla ba gabotse, eupša o seke wa bolela selo ka Seo.” O ka no boloka mohemo wa gago.

¹²² Ke tla rera se Modimo a rilego se rere! Seo ke therešo. Yo motee wa bona ba seswai o tla ba felotsoko. Yo motee wa bona o tla ba felotsoko. Eupša letšatši leo ga ke nyake go ba le molato wa gore ke itšimeleditše ka baka la thutotumelo goba thuto ye e itšego ya kereke, goba kereke ya leina ye e itšego. Ke rerile Therešo!

¹²³ Ba re, “Ke ka lebaka la eng o sa, ke ka baka la eng bodiredi bja gago, Ngwanešu Branham, bjo bo bonalago e le bjo bogolo kudu, ke ka lebaka la eng bo sa swiele ka ntle go swana le ka fao banna ba bangwe ba ba dirago?”

¹²⁴ Ke bjona thwi fao. Ke bjona. Ke ya ka toropongkgolo, le nagana gore Maassemblies of God ba ka dirišana le nna? E sego go se ke se dumelago, ga ba dire. O ka hwetša yo motee gatee ka nako. Le nagana gore Mamethodist ba ka dira? Lekang, gomme le hwetšeng. Eba molaodi wa ka beke. Ge o eya ka gare, o tla ya Leineng la Jesu. Seo ke therešo.

¹²⁵ Oo, ka nnete, ba tla go fihliša fale, nnete, ba tla go fihliša felotsoko lefelong, gomme ka fao gore o ka se kgokagane le bona ka ditsela dife kapa dife ka mokgwa woo. Gomme ka gona ge o tloga, o tla re, “Oo, bjale, Ngwanešu Branham ke mohuta wa gore go akologile ka bjokong gannyane feela, o a tseba. O . . .”

¹²⁶ Ge ke akologile bjokong, gona Beibele e akologile Thutong. Seo ke se Beibele e se boletšego! Eye, mohlomphegi. Hlokomelang!

¹²⁷ Jesu o rila, “Ke ka baka la eng le Mpitša ‘Beletsebubu’? Le dumetše Solomone, leswao la gagwe la tekolo. Le dumetše letšatši la gagwe. Mohumagadi wa Borwa o tla go tšwa karolong ya mafelelo a lefase, go tla go bona mpho yeo, gomme o ile a dumela ge a e bona. Gomme le dutše le e lebeletše letšatši ka letšatši, gomme ga le e dumele.”

¹²⁸ Gomme bana ba Gagwe Mong ga se bake ba Mo dumela. Ba re, “Ya godimo monyanyeng,” A re, “eupša ga Ke ye godimo bjale.” O ile godimo ka tsela ye nngwe, ka baka la gore baena ba Gagwe Mong ga se nke ba Mo dumela. Seo ke therešo. “Kgoro ke ye e pitlaganego, gomme tsela ke ye tshese, gomme eupša ke ba ba sego nene fao ba ba tlogo go E hwetša.”

¹²⁹ Ge e etla go barutiwa, go makgaolakgang, na ba be ba le kae? Mosadi le monna ba be ba eme sefapanong le Yena, Johane le Maria. Ka moka ga bona ba be ba sepetše.

¹³⁰ Se ke makgaolakgang. Ye ke nako. Ye ke ge Modimo a dira dilo. Ye ke ge Mesia a le lefaseng. Ye ke ge Maatla a Modimo a sepelela ka bathong ba Gagwe. Gomme ba ba bitša “bapshikologi ba bakgethwa, digafa, mahlanya,” oo, tša goswana le seo. Eupša iri e fa!

¹³¹ Fao ka nnete go ya go ba go nyama mo go golo kahlolong.

¹³² Oo, segatamorokwana, o tseba fao a yago go ba gona kahlolong. Ka fao le rasepoto o tseba fao a yago go ba gona.

Ka fao le seotswa se tseba fao se yago go ema. Ka fao le lekempolara le tseba fao le tlogo go ema. Ka fao le letagwa le tseba fao le tlogo go ema. A ka seke a be a nyamišwa.

¹³³ Eupša fao go nyamišwa go ya go ba gona, ke bao ba bego ba gopola gore ba be ba lokile. Fao ke mo go lego go nyamišwa. “Ge ba emelela kua, ba re, ‘Nnete, re raketše bodiabololo ntle Leineng la Gago. Ke rena bareri. Ke rena ba dikereke tše di itšego di itšego. Re dirile mehlolo ye megolo. Oo, re rerile! Ka baka la eng, ke be ke le—ke be ke le mohlokamedi ka kerekeng. Ke be ke le pišopo. Ke be ke le se.’ Tlogang go Nna, lena badiri ba bokgopo, Nna ga se ka ba kake ka ba ka le tseba.” Fao ke wena. Seo ke go nyamišwa. O rile, “Bana ba bana ba bona ba tla tla ka gare gomme ba dule fase Mmušong, ba re, ‘Re na le tokelo ya go ba fa,’ gomme bona ba tla rakelwa ntle leswiswing la ntlentle, fao go bago dillo le go golola le ditsikitlano tša meno.” “Kgoro ke ye e pitlaganego, tsela ke ye tshese, ye e išago Bophelong, ke ba ba sego nene fao ba ba tlogo go e hwetša.”

¹³⁴ Go lena, batho ba ka ba ba rategago, mosong wo, theeletšang go se. Ga se kake ka dira se. Ke na le boikarabelo bja go Le bolela. Leo ke ka moka ke nago le boikarabelo ka lona. Ge nka se tsoge ke rerile thero ye nngwe bophelong bja ka, yeo ke Therešo: fao go ya go no ba batho ba ba sego nene ba ba phološwago. Enong go elelwa seo: feela ba ba sego nene. O le yo motee wa bona.

¹³⁵ “Ke bo mang, Ngwanešu Branham?” Ga ke tsebe. Ga go yo mongwe gape yo a tsebago. Re šoma phološo ya rena beng ka poifo le go roromela.

¹³⁶ Eupša o tla bewa mothalading le Modimo. Ge pelo ya gago e sa rethethe feela le Beibele yeo, gona fao go na le selo se sengwe sa go fošagala, fao gona le selo se sengwe sa go fošagala. Ga go kgathalege gore kereke ya gago e reng, o ka se kgone go ya ka gare ka yeo. O swanetše go ya ka gare ka se Modimo a se boletšego. Ye ke Puku ye o tla ahlolwago go tšwa go yona, Beibele. Dula le Yona!

¹³⁷ “Oo,” o re, “go lokile, ke kolobeditšwe Leineng la Morena Jesu.” Seo ke gabotse, seo ke Beibele. Eupša ge bophelo bjola bo sa e latele, ga se wa dirwa botse kudu go kolobetšwa.

¹³⁸ O re, “Go lokile, ke amogetše Moya wo Mokgethwa.” Seo ke se sebotse, seo ke se o swanetšego go be o se dirile. Eupša ge bophelo bo se ka fao!

¹³⁹ Elelwang, ngwang o amogela maatla a a swanago ao a welago godimo ga korong go e dira gore e gole, a dira ngwang gore o goeletše, le wona. Ngwang wo monnyane wa kgale o emelela thwi gomme wa no thaba bjalo ka ge korong e dira. Seo ke therešo, o phela ka bophelo bjo bo swanago. Gomme modiradibe a ka kgona go dula ka Bogoneng bja Modimo, a goelela phenyo, gomme a phela bjalo ka Mokriste. Eupša ge

fao go se selo se sengwe se se fapanego ka pelong! A ka kgona go ba le Maatla a a swanago a go rakela memoya ye mebe ntle. Jesu o boletše bjalo. A ka kgona go rera Ebangedi gabotse feela bjalo ka fao moreri yo mongwe le yo mongwe a dirago. Seo ke tlwa se, Jesu a se boletšego bjalo. Beibele e a se ruta. Eye, mohlomphegi. “Le ge nka bolela ka leleme la batho le la barongwa, le ge nka gafa mmele wa ka gore o tšhungwe bjalo ka sehlabelo, ka gafa diphahlo tša ka ka moka go fepa badiidi, ka—ka ba le tumelo go šuthiša dithaba, ka dira ka moka dilo tše, ke rerile Leineng la Gagwe, ka rakela bodiabolo ntle Leineng la Gagwe,” o rile, “Ga ke selo.” Ka fao, a ka kgona go dira, gomme “ga ke selo.” A le hwetša kgopolo?

¹⁴⁰ Bjale, selo se o swanetšego go se dira ke, go tšwa pelong ya gago, e ba Mokriste, bjale tsena ka gare ka kgoro ye e pitlaganego. Ka gore, tsela ke ye e phatlaletšego ye e išago tshenyegong, gomme dimilione di atiša ka dimilione mo molokong wo wa badumedi ba tla ya ka gare ka yona. Ka baka la gore, kgoro ke ye e pitlaganego, gomme tsela ke ye tshese, e no ba wena le Kriste le nnoši.

¹⁴¹ “Tsela ke ye tshese ye e išago Bophelong, gomme ke feela ba ba sego nene fao ba ba tlogo go e hwetša.” Bjale, ao ke Mantšu a Morena wa rena. Nna! Na O be a dira eng? A eme fale, a lekola dikgopolo tša bona.

¹⁴² Gomme a re, “Ke Beletsebubu. Go lokile, a A ka ba Modimo bjang? Ke Monna! Na bohlale bjo bo tšwa kae?” ba boletše ka toropongkgolo ya Gagwe Mong.

¹⁴³ Ge o sepela ka toropongkgolo fa, go bonala o ka re. . . ga ke bolele go se hlomphe mo go itšego go lena batho, le Bakriste, le a nthata. O sepelela ka toropongkgolo fa, gomme go bonagala o ka re maatla a Sathane a go thulela fase. Lefelo le le ahlotšwe. Toropongkgolo ye e ahlotšwe.

¹⁴⁴ Na Billy Graham o rileng ge a tsena Louisville? O rile le ke “ke lefelo leo le maatlafaditšwego ke matimone kudukudukudu” leo a kilego a le bona ka bophelong bja gagwe. E beilwe ka pampering, o rile, “O kgona go no kwa kgatelelo ya Diabolo.”

¹⁴⁵ Ka nnete, ke kgona go ekwa. Ka baka la eng? Le ke legae la ka mong. Ge Jesu a boela legaeng la Gagwe Mong, O rile mediro ye mentši ye maatla Yena ga se a kgona go e dira, ka baka la go se dumele ga bona. O rile, “Moporofeta ga a hloke tlhomphe, moreri, ntle le ge e le ya gabo mong—ka nageng ya gabo mong, magareng ga batho ba gabo mong.” Le a bona? O ka se kgone go e thuša, Lengwalo le bolela bjalo. Le a bona?

¹⁴⁶ Bjale, ge o sepela ka toropongkgolo fa! Gomme o seke wa mpotša gore ke be ke sa tsebe. Ke sepelela go batho ba ba šišinyago seatla sa ka gomme ba re, “Oo, Ngwanešu Branham,

ke a go rata.” Gomme o a tseba ao ke maaka! O a tseba ke maaka. Ge Modimo a ka kgona go mpotša tekolo ya pelo, ke ka baka la eng A ka se kgone go mpotša seo?

¹⁴⁷ Nnete, gomme thwi magareng ka bathong ba gago mong go dikologa toropongkgolo! Ge ba go bona, ba re, “Go lokile, o a tseba, ke bone fao se se itšego se itšego . . .”

“Kae? Se be se le kae?”

“Godimo ga . . .”

“Huh! Re tseba mothaka yola!”

¹⁴⁸ O a ekwa. A ke go botše, e re yo mongwe a tle ntlong ya gago yo a sa go ratego kudu, a dule ka ntlong ya gago feela lebakanyana le lennyane gomme o kwa maikutlo ao a sego a tlwaelega. Atiša ao ka dikete tše lesomenne bjale, gona o tla hwetša se ke bolelago ka sona. Ka gona o tsena ka lefelong leo yo mongwe le yo mongwe a go ratago, maikutlo ao a go amogelago, e no ba, oo, nna, gomme o ka no kgona go dula fao go ya go ile, le a bona. Seo ke wona, le a bona, ke moya. Gomme batho ga ba tsebe gore ke eng, ba makala gore ka baka la eng batho ba tšhilafaditšwe.

¹⁴⁹ Ke eng se se dirago mosadi wa go loka, ke eng se se dirago basadi ba go loka gore a apare tšona diaparo tša bohlaswa gomme a tšwele ntle kua? Ke eng se se dirago, le bjale ge go sa tonya, basetsana ba bannyane ba mengwaga ye lesometshela ka diaparo tšeo a bego a se a swanela go be a di apere pele ga mmagwe, gomme a le ka ntle seterateng? Ke ka lebaka la gore, e sego ngwana yoo (ngwana yoo ga a tsebe bokaonekaone bjo bo itšego), eupša ka baka la gore moreri yo mongwe phuluphithing o feitše go swara poso ya gagwe ya mošomo. Seo ke therešo tlwa. Nnete. Basadi ba ya seterateng, gomme ka moka ba apere wa thobalano le dilo ka mokgwa woo, gomme badiradibe ba a ba lebelela gomme ga a tsebe gore o no ba le molato bjalo ka ge e ke o phetše le monna yoo. Jesu o boletše bjalo! Jesu o rile, “Yo a lebelelago mosadi go mo kganyoga, o šetše a dirile bootswa le yena ka pelong ya gagwe, gomme o swanetše go bo arabela ka letšatši la kahlolo.” Kgoro ke ye e pitlaganego, gomme tsela ke ye tshese!

¹⁵⁰ Ke a tseba le nagana gore ke nna mothaka yo mothata. Ga se nna yo mothata! Ke nna ngwana wa bolena, gomme ke a le rata.

¹⁵¹ Tšhabang bogale bjo bo tlogo! Eya sefapanong gomme o lle go fihla pelo ya gago e tlatšwa ka Moya wa Gagwe, wo o tlogo go retolla magetla a gago go tloga go se sengwe le se sengwe se e lego sa lefase, gomme wa sepela bomodimo pele ga Gagwe, ka pelo ya gago e fišegella Yena. Lerato! E sego mošomo. Kriste ga se mošomo, go direla Kriste, ke lerato le le direlago Kriste. Le a go imetša, go go gapeletša, go fihla morethetho wo mongwe le wo mongwe wa bophelo bja gago o itia le Yena. Fao ke ge o bona sebe.

¹⁵² Gomme O ile a lla godimo ga lefase. Go ile gwa nyamiša Modimo matšatšing a Noage, ge A bona dipelo. Gomme Jesu o ile a dula godimo ga thaba, gomme a re, “Jerusalema, Jerusalema, Ke go alametše ga kae, eupša iri ya gago e tlile gomme ntlo ya gago e tlogetšwe e le lerope.”

¹⁵³ Ka fao go tla ba bjalo ka go Tleng ga Morwa wa Modimo, dipelo tša modumedi wa therešo ka nnete di robegile. O a bona thwi bjale gore fao go swanetše go ba le tsošetšo ye e swielago naga ye. E ka ba bjang ka sehlopha sa batswalwa ka ntle ga molao? E ka ba bjang, ge ba ahlotšwe sa mathomo?

¹⁵⁴ Mmušo wa Modimo o swana le monna yo a lahletšego lokwa ka lewatleng, gomme, ge a le tliša pele, o be a na le dipshinyaleraga, dikhutšwana tša ka meetseng, dinoga, digwegwe, le dihlapu. Ga se a tšea sephetho go efe, o nno le lahlela godimo ga lebopo. Seo ke se Ebangedi e se dirago. Seo ke se Billy Graham, Oral Roberts, nna, le ka moka bareri ba bangwe ba ba rerago Ebangedi, ba le lahlela ka ntle, ba le gogela ka gare, “Fao šibawo, Morena.” Eupša a re dira eng nako ye nngwe le ye nngwe? Re hwetša gore, pele o ka kgona go boela morago gape, ba thwi morago ntle ka mogobeng gape. Seo ke eng? Sa mathomo, e be e le pshinyaleraga. See ga se sa mo fetola, gore a swarwe ke lokwa la Ebangedi. O be a le pshinyaleraga le mathomong. O be a le khutšwana ya meetse le mathomong. O be a le noga le mathomong. O be a le moikaketši le pele a ka tla ka kerekeng. Ga se a ke a eba le kganyogo ya go no tlogela go nwa le go kempola, le go kgoga le go bolela maaka, le go utswa. O nno tla ka gare ka baka la ge a be a boifa hele. O itira ka bowena wa yona ka go fetiša, ge o dira seo. Seo ke therešo. “Kgoro ke ye e pitlaganego, gomme tsela ke ye tshese, gomme ke ba ba sego nene fao ba ba tlogo go e hwetša.”

A re rapeleng.

¹⁵⁵ Morena, oo, mphetleke, Morena. Leka molato wa ka thwi bjale, Morena. O seke wa ntumelela go tla pele ga kahlolo pele ga Gago, ka morago ga go rera ka tsela ye. Oo, ge fao go ka ba selo se se itšego se sego sa hlweka ka go nna, Morena, se tšee, ka kgopelo! Re bona letšatši le re phelago ka go lona, ge banna le basadi ba eba dikgokgorothwana. Ba na le dihlong. O boletše nako ye nngwe, “Fao ga go le ge e ka ba go fetoga g sefahlego ka dihlong magareng ga barwedi ba Sione.” Boithopho bja bona bo tšerwe go fihla mo e lego gore ga ba sa fetoga difahlego ka dihlong gape. O Morena, nagana ka yona! Gomme go tseba gore seripa sa nako ka kua se a itia, motsotso feela goba ye mebedi gape, gomme tshenyo ye kgolo e tla tla, ka gona yo e lego wa ditšhila a a tšwele pele e le wa ditšhila.

¹⁵⁶ Modimo, re tsoše ka moka mosong wo. Re šišinye, Morena! Re bona maswao a tšwelela. Re na le mahlo a rena a bulegile go tseba seo. Re bona dimilione, le dimilione, Morena, bao ba

retologetšego magetla a bona gomme ba tloga. Ke a makala, nka kgona go dira eng, nka kgona go dira eng, O Morena? A fao go na le selo se sengwe, Morena? Ge go tšea thero ya go fetiša, thapelo ya go fetiša, eng kapa eng go fetiša, nthuše, Morena, gore ke kgone go tliša Molaetša go batho. Nka kgona go dira eng? Eupša ba tšwela pele ba O gana. O dira maswao a Gago a magolo gomme o dira mehlolo ya Gago, gomme go le bjalo batho ba matšhetša thwi pele. A ke ka gore Lengwalo la Gago le swanetše go phethagala, a ke nako ya gore “Ga go motho yo a ka kgonago go tla go Nna ge Tate wa Ka a sa mo goge, gomme ka moka ba Tate a Nneetšego bona ba tla tla go Nna”? Morena Modimo, efa se mosong wo gore batho ba tla tsoga gomme ba bona leswao le la mafelelo la lefase. Ke a rapela, Modimo, gore O tla fa selo se sengwe go batho.

¹⁵⁷ Šegofatša batho ba bannyane ba fa mosong wo. Modimo, thoma ka Ngwanešu Neville, Morena. Fodiša mmele wa gagwe. O a babja mosong wo, Morena, mogodu wa gagwe o dubagane. Ke a rapela gore seatla sa Gago se se fodišago se tla ba godimo ga gagwe. Hudua soulo ya gagwe.

¹⁵⁸ Modimo, eya ka ntle magareng ga phuthego ye. Fao go na le banna le basadi ba dutše fa bao nka no se tsogego ke ba bone gape go fihla letšatši lela kahlolong, ka gona ke swanetše go fa bohlatse. Eupša ke badile Lentšu la Gago, “Kgoro ke ye e pitlaganego, gomme tsela ke ye tshese, gomme eupša ke ba ba sego nene fao ba ba tlogo go e hwetša.” O Morena, a seo e be gore “ba ba sego nene,” ba bangwe ba bona, a O ka dira, Morena? Efa seo motho yo mongwe le yo mongwe fa.

¹⁵⁹ Ke rapela bjalo ka ge motho a ka no kgona go rapela. Morena, batho ba ba ka dira eng goba eng go nna, ge go etla go nthuša. Ge ke be ke swerwe ke tlala, ba ile ba mphepa. Ge ke be ke nyaka sutu, ba ile ba e reka. Ba ile ba ya mmogo gomme ba nthekela koloi, go rera Ebangedi. Ba tla dira eng ka tsela yeo. O Tate, fetleka disoulo tša bona mosong wo, ka kgopelo dira, gomme a nke ba e fetleke pele ga Gago. Ga ke tsebe, ke a tshepa gore yo mongwe le yo mongwe wa bona o mo go Bakgethiwa. Gomme mpee fao, le nna, Morena. Gomme ge go na le lebaka lefe kapa lefe ka go nna gore ke seke ka ba fao, Morena, O no le utolla go nna, ke tla le lokiša thwi bjale. Ke nyaka go ba le bonnete, Morena, gore mosong woo fao go ka se be le bothata nokeng. Ke nyaka go ya ka gare ga letšatši leo. Gomme ga ke tsebe gore e tla ba neng, e ka no ba lehono. Ka fao, nthuše gore ke tsebe, thuša batho ba gore ba tsebe.

¹⁶⁰ Gomme ge re bona dipelo tša rena gore ga di amege! Oo, re ipshina ka Molaetša o mobotse go theeletša seyalemoyeng, goba go ya kerekeng. Re leboga Molaetša wo mobotse. Ga re tshwenyege go bolela ka Jeus felotsoko. Eupša, Morena, a sebe ke morwalo kudu go rena, gomme se tliša megokgo mahlong a rena, go fegelwa le go lla le go ema kgahlanong le sona, selo se

sengwe le se sengwe, makgapa a a dirwago ka toropongkgolo? Morena, a nke Morongwa wa Modimo a bone seo godimo ga rena, gomme a re swaye. E fe, Morena.

¹⁶¹ Go le bjalo etla, Morena Jesu, bjale gomme o lokiše dipelo tša rena, gomme re fe maswao a Gago a therešo gore O magareng ga rena, gore re tsebe gore re amogela—amogela leswao la mafelelo pele ga bofelo bja moloko wo.

¹⁶² Gomme re bona go hloka molao, ge monna a phela ka setšhabeng gomme a na le bana ba ba tswetšwego ka basadi ba monna yo mongwe, gomme—gomme basetsana ba bannyane seterateng, gomme makgolo ba bowa go tšwa dikolong ngwaga wo mongwe le wo mongwe gomme ba mengwaga ya mahlalagading e ba bo mme, gomme ga go na le tlhompho, gomme le ka fao basadi ba bago mpholo, ka bobona, ka go kgoga le—le go nwa, le dithelebišene le go ya pele tšeo di senyago megopolo ya bana. O Morena, e ka kgona go ema botelele bjang? Gomme Wena, Modimo yo Mokgethwa!

¹⁶³ O Tate, ke—ke kwa ka mokgwa wo o sego wa tlwaelega lehono gore selo se sengwe se swanetše go dirwa ka pela, Morena. Ga ke tsebe gore nka reng, eupša ke a rapela, Morena, gore O tla bea ka dipelong tša rena se re swanetšego go se dira. Efa dilo tše, Morena. Re di kgopela go la Jesu Leina. Amene.

¹⁶⁴ Iri e kgauswi. Motho yo mongwe le yo mongwe wa tlhaloganyo yo a nago le go hlaologanya, o a tseba gore selo se sengwe se lokišetša go direga. Ga go na le motho ka moagong wo, yo a nago le kgopolo ya maleba, eupša yo a tsebago gore lefase le le ka se kgone go ema ka tlase ga maemo a.

Re ka se kgone go ema, bagwera. Fao ga go selo se setee, bjalo ka modiša wa lena le ngwana wa bolena, fao ga go selo se tee seo nka le hlhalelago go sona mosong ge e se go Jesu Kriste. Fao ga go selo se ke se tsebago. E nong go nagana ka dilo tše di gateletšwego go tla pele Tthatlogo e direga, selo se sengwe le se sengwe se ke tsebago ka ga sona se phethagaditšwe.

¹⁶⁵ Le re, “Go reng ka leswao la sebata?” Leo le tlile go tla ka Tlaišegong. Kereke e tla be e sepetše ka nako yeo. Le ka se swaye ba, ba ba tla be ba sepetše, le a bona. Go swaya go tšwela pele bjale. Go swaya ke go laetša pele, go tlabola. Tšhabelang go Modimo, tšhabelang go Yena ka pela!

¹⁶⁶ Ke a makala mosong wo, ge re sa letile fa motsotso feela. Gomme ke kwa o ka re le a dira. Ke—ke kgona go kwa a lena, yo mongwe le yo mongwe wa lena a leka go nagana, “O Modimo, mphetleke ntle!” Yeo ke ka tsela yeo ke kwago, le nna. Ke lemoga gore Melaetša ka mokgwa woo, mogwera, ga se wa tlwaelega magareng ga batho. Le a ba ahlola gomme le a ba ahl- . . . le—le no ba iša fase. Yo mongwe o swanetše go dira seo. Ke a duma gore mohlomongwe e ka be e le yo mongwe gape. Eupša ge e nkwela kudu go e dira, ge e ba ke swanetše

go ba mosadi wa go koropa, a nke ke korope. Ge ke le... Dafida o rile, "Bokaone ke be legogwa la mojako Ngwakong wa Modimo, go na le gore ke dule ka ditenteng le sebe." Seo ke therešo. Eng kapa eng se Modimo a nyakago o se dira, se dire. O seke wa ba le dihlong. Ge fao go le...

¹⁶⁷ Gomme, elelwang, ke a tseba seo ke selo se segolo. Le re, "Ngwanešu Branham, o re ke feela disoulo tše seswai tše di tla phološwago?"

¹⁶⁸ Ga ke tsebe gore ke ba bakae ba ba tla phološwago, nka se kgone go le botša. Eupša ke bolela selo setee: ba tla ba ba ba sego nene kudu, ka letšatšing le le swanago le le. E no nagana, ka letšatšing lela A bego a le ka go lona, ke ba bakae ba ba go phološwa. Nagana ka letšatši la Noage, le letšatši la Loto—Loto, le ka moka ga bona, O rile, "Ka fao go tla ba bjalo ka go tleng ga Morwa motho, ka baka la gore, kgoro ke ye e pitlaganego, gomme tsela ke ye tshese." Le a bona, o ya ka gare ka bowena, le Yena, gomme seo ke ka moka. Le a bona? "Gomme eupša ke ba ba sego nene fao ba ba tlogo go e hwetša." Ke ba bakae ba ba dumelago gore seo Therešo ya Ebangedi? Jesu Kriste o boletše bjalo, "Ke ba ba sego nene fao ba ba tlogo go e hwetša." Feela ba ba sego nene. Eba yo motee wa ba ba sego nene bao. Ke a tseba ke mo go thata, go a gatelela. Gomme go a nkgatelela go e bolela, ke kwa lerato la setho go lena, eupša lerato la Modimo le a nkgapeletša gore ke le botše.

¹⁶⁹ Bjale, wo a swanago Moya wo Mokgethwa wo o dirilego ka matsatšing a Abraham, o dirilego ka matsatšing a Kriste, o tshephišitše go ba fa go dira selo se se swanago. O fa. Bjale, ge ke le boditše Therešo, Modimo o ikarabela go Therešo yeo.

¹⁷⁰ Ge ke sa boloke lentšu la ka, ga se nna monna wa lentšu la ka. Ge o sa boloke lentšu la gago, ga se wena monna wa lentšu la gago. Bjale, nka no go tshephiša selo se sengwe gomme ka se kgone go se dira, eupša—eupša ke tla tla ka go botša. Ge ke go kolota selo se sengwe, gomme ke ikutela wena, ke nna moikaketši. Ge ke etla ke go botša, "Ke a kolota, eupša ga ke kgone go go patela, eupša ke tla dira bokaonekaonekaone bjo ke bo kgonago," gona o a ntshwarela gomme wa nthuša. Le a bona?

¹⁷¹ Ka moka re kolota Modimo selo se sengwe. Re Mo kolota maphelo a rena. A re tshephegeng ka bjona. Sepelela ka ntle gomme o re... O seke wa re, "Go lokile, bjale lebelela, nna ke—nna ke Mopresbyterian. Nna ke Momethodist. Nna ke Mopentecost. Nna ke Mochurch of God. Nna ke Monazarene. Nna ke Mopilgrim Holiness." O seke wa nagana seo! Fao go tla ba dimilione tša bao ka heleng. E ba Mokriste, ka go Kriste.

¹⁷² Ke ba bakae ba ba tla rego, "Ngwanešu Branham, nkgopole ka thapelong bjale, ke nyaka go emelela"? Modimo a go šegofatše.

¹⁷³ Morena, O bona diatla tša bona. Iri e fa, Moya wo Mokgethwa wo mogolo o homoditše moago wo mosong wo. Ke kwa Bogona bja Gago. Ke lemoga gore O fa go hlompha Lentšu la Gago, “Nna Morena ke bjetše, gomme Ke tla le nošetša mosegare le bošego, go se bjalo yo mongwe a ka e utla go tšwa seatleng sa Ka.” O rometše pele Lentšu la Gago go dira morero, gomme Le tla—Le tla swanelwa ke go dira seo, Morena. Lengwalo le bolela gore O a swana maabane, lehono, le ka gosafelego.

¹⁷⁴ Ga se bake ba kgona go dumela, bona batho ka matšatšing a Gago ga se bake ba kgona go dumela gore Moya wo Mokgethwa o be o le go Wena. Gomme O itirile ka Bowena (o le Monna) Modimo, wo, O be o le Morwa wa Modimo wa go tswalwa ke kgarebe wa go tla lefaseng go re lokolla dibeng tša rena. Gomme ka baka la gore ba bone Moya wa Modimo ka go Wena, ba ile ba leka go o dira wa go fapana. Gomme O ile wa ba botša, Morena, “Ga se Nna yo a dirago mediro, ke Tate wa Ka yo a dulago ka go Nna. O dira mediro. Ge le be le bitša Abraham ‘tatago’ lena Abraham o bone letšatši la Ka.” Nnete, o dirile, ge a be a eme kgauswi le Yena, o Mmone a dira mešomo yela le leswao. “O bone letšatši la Ka gomme a thaba.” Ba re, “O a foša, ba se tsebe Lengwalo le ge e le Maatla a Modimo, ka fao Modimo a kgonnego go apeša kgarebe ka morithi, gomme a tliša pele Morwa (ka tswalo ya kgarebe) gomme a dula ka Boyena ka botlalong bja Maatla a Gagwe, ka Monneng yo motee yola.”

¹⁷⁵ Gomme le ka fao A ka kgonago go tšea Madi ao a swanago go tšwa Mmeleng wola A o filego bjalo ka Sehlabelo, gomme a hlwekiša batho gore ka Boyena a tle a dule ka go bona, a tšwetše pele mošomo wa Gagwe go fihla bofelong bja mabaka! O Modimo, tsoša batho gore ba bone seo. E fe. Phološa yo mongwe le yo mongwe yo a emišitšego seatla a gagwe. Hlwekiša dipelo tša bona. Morena, diatla tša ka di godimo. Ntlhwekiše, O Morena. Ye ke ntlo ya diphošollo. Le ke lefelo fao re swanetšego go hlatswiwa. A nke Moya wo Mokgethwa o re hlatswe mosong wo, gomme o re hlwekiše go tšwa tshenyegong.

¹⁷⁶ Re a rapela, Morena, gore fao go seke gwa ba motho yo a tlogago fa eupša yo a tlogo go tlatšwa ka Moya wa Gago. Mohlamong go ka seke gwa ba maikutlo go tšwa ka ntle ge se direga. Eupša, Morena, eya ka gare, o goge legapi go tloga gomme o re laetše se re lego sona, Morena. E fe. Gomme ka gona re tlatše ka Moya wa Gago, ka pelo ye e lego ka therešo le go seka. Gomme mo nakong ye ditlaišego le meleko ye methata, O tla gola go ba yo mobosebose le wa go rategarategi go rena ge re sepela mmogo, re letetše letšatši leo. Ge megokgo e sa kitima go theoga marama a rna, ka baka la dibe tša toropongkgolo, a nke Moya wo Mokgethwa o lebelele fase

gomme o re, “Fao go na le yo motee yo Nka kgonago go mo swaya, wa senna ke wa Ka, wa sesadi ke wa Ka. O fe, Morena. A nke o hwetšwe magareng ga rena lehono. Re o kgopela ka la Jesu Leina. Amene.”

Ge ke etla nokeng mafelong a letšatši,
 Gomme diphefo tša mafelelo di fokile;
 Fao go tla ba yo Mongwe a ntetetše yo a tla
 mpontšhago tsela,
 Ga ke a swanela go tshela Jorodane ke nnoši.
 Ga ke a swanela go tshela Jorodane ke nnoši,
 Jesu o hwetše dibe tša ka go lefa;
 Ge leswiswi ke le bona, O tla be a nkemetše,
 Ga ke a swanela go tshela Jorodane ke nnoši.

¹⁷⁷ Ke nyaka go Mo tseba bjale. Tšea seatla sa ka, Morena yo bohlokwa, ntlahlele pele, ntire ke eme. Ntire ke eme fa, Morena, kgahlanong le se sengwe le se sengwe seo se bitšwago phošo, se sengwe le se sengwe se se lebelelegago phošo. Ga ke tshwenyeye gore mang kapa mang o reng, ntumelele ke eme, Morena. Ge ke dirile ka moka tše ke kgonago go di dira, nthuše ke eme. Tšea seatla sa ka gomme o nkgoge go e putla, Morena. Dira selo se sengwe le se sengwe, ntumelele ke eme. Ge tšona dilo di etla, gomme mahumo a lefase le ka moka mathabo a lona le letago la wona foufatša mahlo a ka go lona, a nke ke no bona Yena Yo a nkhwetšego. Ge e nkamoga mogwera yo mongwe le yo mongwe yo ke nago nae, ge e nkamoga se sengwe le se sengwe se ke nago naso; seo ga se re selo le setee, ke se neela ka moka aletareng. Seo ke sona, a nke ke eme ke botega. Gomme letšatši le lengwe ge mohemo o foka kgahlanong le sefahlego sa ka, gomme ke a tseba gore pelo ya ka e ile gomme matšatši a ka a fedile, gomme nako ya ka e feletše gomme karata ya ka e tšerwe go tšwa rakeng, ga ke nyake go tshela Jorodane ke nnoši. O tla ba fao. Ya. Ge ke bona leswiswi, O tla be a nkemetše kua, ga ka swanela go tshela Jorodane ke nnoši. Ge nka Mo emela bjale, O tla nkemela nako yeo. Ke tla phelela Yena Yo a nkhwetšego, nako yeo bophelo bja ka bo tla thaba bjang. Yeo ke tsela ye ke nyakago go ema ka yona.

¹⁷⁸ Ke a thanka go na le batho ba ba babjago fa. A o file dikarata tše di itšego? Ke lebetše. A ba file dikarata? A go na le dikarata tše di filwego? A go na le yo mongwe yo a nago le dikarata tša thapelo? Aowa.

¹⁷⁹ Ke nno letela Moya wo Mokgethwa. Ge o ka no dumela feela, e no ba le tumelo, o seke wa kamaka. Ge Modimo a ka nkutullela mathata a gago... Eng kapa eng e lego bjona, ga ke tsebe: ge o emiša seatla sa gago, ga o ntsebe le nna ga ke go tsebe. Gona ge Modimo a ka utolla fa, a o ka dumela gore e be e le Morongwa yo a swanago yo a go tliša Molaetša feela pele ga tshenyo morago kua, e tla ba Morongwa yo a swanago

yo a bego a o tliša thwi bjale pele ga tshenyoye nngwe. A o ka dumela seo? Ge o ka dira, emišetša seatla sa gago godimo. Ka moka gabotse. Ka moka gabotse, a nke Morena a e fe.

¹⁸⁰ O dutše kgauswi le nna. Fao go na le yo mongwe gape o dutše kgauswi le nna, ke Mdi. Snyder fa, goba yo Mdi. Murphy fa, seo ke leina la gagwe le lego, o dutše thwi fa. Ke a ba tseba.

¹⁸¹ Ga ke tsebe monna yo, ke mosetsebjego go nna. Eupša Modimo o a mo tseba. Ge Modimo a ka le utolla bjale, ke ba bakae ba lena ba ba tsebagore ga se . . .

¹⁸² Le seke la lebelela go nna. Nna, ke nna billy wa thabeng ya Kentucky, ge go etla mabapi le seo. Ga ke—ga ke na le le ge e ka ba thuto ye e lekanego, le gatee, go—go ngwala leina la ka mong. Eupša fao go na le selo se tee se ke se tsebagore, ke tseba Yena. Gomme seo, seo—seo ke ka moka ke hlokomelago go se tseba. Bjale, le seke—le seke la bea šedi go kerama ya ka.

¹⁸³ Gomme le ka no nagana gore thero ya ka mosong wo ka moka e be e tšwele mothalong le se sengwe le se sengwe, e bee mothalong le Beibele nako e tee gomme o bone ge e le gore ga o thwi go senepša sa zero. O bone ge e ba selekanyi sa gago ga se ka gare ge o—ge o e bea godimo fao. O seke wa e bea mothalong ka dikgopolo tša gago mong, eupša e bee mothalong ka seo A se boletšego. “Kgoro ke ye e pitlaganego, tsela ke ye tshese, gomme ke ba ba sego nene fao ba ba tlogo go e hwetša; ka baka la gore tsela ke ye e phatlaletšego ye e išago tshenyegong, gomme kgoro ke petleke, gomme ke ba bantši ba ba tlogo go ya ka yona,” dimilione di atiša ka dimilione ba tla ya ka kua. Yo motee go milione go molaleng o tla ba ka tsela ye e tlogo. Fao le gona. Seo ke se A se boletšego. Bjale, Yena ga se a ke a fa nomoro yeo, eupša O rile, “Bjale ka ge go bile bjalo matšatšing a Noage, meoya ye seswai. Bjalo ka ge go bile bjalo matšatšing a Sodoma, ba bararo.” Go tšwa go selo sohle, tharo ya phološwa, ke mollo. Ka fao go tla ba bjalo!

¹⁸⁴ Bjale, ge mang kapa mang e le wa semoya ka nnete, ke nyaka gore o lebelele monna yo a dutšego fa, o ntlhokometše kgafetšakgafetša feela ka fao a ka kgonago. O emišitše seatla sa gagwe godimo, ga ke mo tsebe; ga se kake ka mmona, gomme ga ke tsebe selo ka yena. O nno dula fale a ntebeletše. Eupša, le a bona, o dira kgomano, o a rapela. Bjale, seo ke therešo. Bjale, ge Morena a ka mpotša . . . Yola monna a dutšego bokgole bjalo go tloga go nna, gomme tše ke dikopano tša rena tša mathomo, gomme šole o dutše fale. Ge Morena a ka utolla go nna seo a—seo a . . . Nka—nka se kgone go mo fodiša. Ga ke, nka se kgone go dira seo, ka baka la gore Modimo o šetše a dirile seo. Eupša se tla oketša tumelo ya gago. Yo mongwe le yo mongwe o a bona bjale, O fa thwi, feela wo o swanago Moya. Gomme elelwang, Jesu o tshephišitše se, pele ga nako ya bofelolo. Ka mehla e bile leswao la mafelelo.

185 Letšatši le lengwe, Leo le nna re be re dutše seterateng, gomme ba bangwe ba rena re bolela. Gomme ka tšwela pele ke ekwa gore fao go na le phetogo ye e tlogo, phetogo e etla. Ge re bolela ka yona, e ka se be phetogo ka bodireding bja ka, ka baka la gore e ka se sa ba gape, eupša e tla ba phetogo ka go nna. Ka mehla ke be ke le mofokodi gomme ke no dumelela batho gore ba nkete pele le go ntlahla, gomme ba nthomele tseleng *ye* le tseleng *yela*. Ge nkabe ke dirile selo se sengwe se Morena a mpoditšego gore ke se dire nako ye telele ya go feta, nkabe ke se bothateng bjo ke lego go bjona lehono. Ke ya ka beke ye e tlogo go ba ke nnoši le Modimo. Eye, mohlomphegi. Ke—ke swanetše go kwa go tšwa Legodimong. Ga ke nyake go ba mofokodi, ke nyaka go ema godimo ga diphenyego tša ka mong.

186 Monna, e tšwela pele e etla morago thwi go nna, o dutše thwi morago, ka baka la gore monna yola o a dumela, gabotse o a dumela. Ke bogetše batheeletši mo gohle, gomme e wela thwi morago go monna. O na le senyakwa, o rwele morwalo, eupša o rwele morwalo ka yo mongwe gape. Seo ke therešo. O rapelela yo mongwe gape. O na le yo mongwe gape pelong ya gago. Seo ke therešo, a ga se yona? Ke mogwera. Ge nka go botša gore bothata ke eng ka mogwera yoo, a o ka ntumela go ba mohlanka wa Modimo? Ke segatamorokwana. Seo ke therešo. Ge seo e le therešo, emišetša seatla sa gago godimo.

187 A o a dumela? Yo mongwe ka godimo fa o emišeditše seatla sa gagwe godimo, mosadi morago ka fa, yo mongwe. Eye. Ya. Ga o ntsebe? Ke nna mosetsebje go lena ka moka? Ga ke go tsebe, eupša Modimo o a go tseba. A o dumela seo? Ge Modimo a ka nkutullela se se lego pelong ya gago, a o tla ntumela go ba mohlanka wa Gagwe? Mohumagadi yo monnyane, se o tshwenyegago ka sona ke ngwana yoo fao. Seo ke therešo. Gomme ngwana yoo o na le eczema sefahlegong sa gagwe. Ngaka e ka se kgone go dira selo ka yona. O mosetsebje fa, gomme wena le moratwa wa gago yo motee a dutšego fao. A o a dumela gore Modimo a ka kgona go mpotša gore ke wena mang goba fao o tšwago gona? O a e dumela? A o ka amogela phodišo ya ngwana ge A ka dira? [Mohumagadi o re, “Eye”—Mor.] Ka moka gabotse, o ka kgona go ya morago Somerset, Kentucky, fao o tšwago gona. Gomme dumela gore o tla loka, eczema e tla tlogela ngwana ge o ka kgona go e dumela.

188 Ge ke be ke bolela lentšu lela, yo mongwe yo a emego morago kua ka holong, go tšwa Somerset, Kentucky, a rapela, ka bothata bja pelo. A o a dumela gore Modimo o tla go dira o loke? Ge o e dumela ka pelo ya gago ka moka, gomme o dumela gore Modimo o tla go fodiša gomme a go dira gore o loke.

189 Fa, fa go na le, ke a dumela gore seatla sa yo mongwe se tla godimo thwi go bapela ka fa, thwi go bapela, mohumagadi. Ya, ke bone seatla sa gago. Ke nna mosetsebje go wena, mohumagadi? Ga ke go tsebe. Ga se ra ke ra kopana. A o

a ntumela go ba mohlanka wa Gagwe? [Mohumagadi o re, "Eye."—Mor.] O a dira? O na le morwalo pelong ya gago, goba selo se sengwe. O a dumela gore ge Modimo a ka kgona go se utolla go nna, o a dumela gore Ke Moya wo o swanago wo o bego o le ka go Kriste? Monna wa gago yo a dutšego fao, o dumela selo se se swanago, le yena? A o ka dumela selo se se swanago? Ke ka baka la mosetsana wa gago yo monnyane yo a dutšego kgauswi le wena fao. Seo ke therešo, o na le kankere. Eupša a o a dumela gore Modimo o tla mo fodiša? Ge o dira, emišetša seatla sa gago godimo. Ka moka gabotse, bea diatla tša gago bokagodimo ga ngwana.

¹⁹⁰ Morena Jesu, Bogoneng bja Moya wa Gago, ke ahlola diabolo yo a bolayago ngwana. Ke a bea, ka tumelo, Madi a Jesu Kriste gare ga mmolai le ngwana. E re a phele. Amene.

¹⁹¹ Eba le tumelo go Modimo. O seke wa kamaka. "Ge o ka kgona go dumela, dilo ka moka di a kgonega." Ge o ka kgona go dumela, dilo ka moka di a kgonega. Therešo.

¹⁹² Yo mongwe gape morago ka kua o emišeditše seatla sa gagwe godimo, felotsoko, wena, mohumagadi ka godimo mafelelong. O a ntumela go ba mohlanka wa Modimo? Ga ke go tsebe, ga o ntsebe. O a dumela gore Modimo a ka kgona go utolla go nna gore bothata bja gago ke eng? A o a kgona go amogela Jesu go ba Mofodiši wa gago goba Mofi, eng kapa eng e lego sona—eng kapa eng e lego...? O a dumela gona? Ka moka gabotse, gona ponagalo yeo ya thobego ya megalatšhika yeo o bilego nayo, yeo ke ye o nago nayo. Ge seo e le therešo, ema ka maoto a gago, ge seo e le therešo, go no re batho ba bone gore ke therešo. Ka moka gabotse, e tla go tlogela bjale. Eya gae gomme o loke. Modimo a go šegofatše.

O tšwa Kentucky, le wena. Uh-huh, seo ke therešo.

¹⁹³ Mohumagadi yo a dutšego kgauswi le wena o tšwa Kentucky, le yena. O a tšwa, le yena. Ga ke go tsebe, a ke a go tseba? Eupša nka kgona go go botša gore o na le selo se sengwe se se fošetšego ka wena. Ge nka kgona go go botša gore phošo ke eng ka wena, o tla amogela Kriste bjalo ka Mofodiši wa gago? Ke kgeto ya gago. Ge seo e le therešo, emišetša seatla sa gago godimo, tsela godimo gore batho ba kgone go bona. Ka moka gabotse, eya gae bjale, e tla go tlogela. Tumelo ya gago e go dira gore o loke.

Ke go hlohla gore o dumele. Ke hlohla tumelo ya gago gore e dumele.

¹⁹⁴ Fa go dutše mohumagadi fa, o a rapela, o swere sakatuku sa gagwe sefahlegong sa gagwe. Ga ke go tsebe. Modimo o a go tseba. O tšwa Joliet, Illinois, gomme o na le sekutu. Seo ke therešo tlwa. O ka no makala... (Eye, yeo—yeo ke mosadi Rosella a mo tlišitšego. Seo ke therešo. Ema, o mpoeditše ka seo, eupša ga se a ke a tseba gore ga se kake ka tseba mosadi. Seo

ke therešo. Go no direga go ba gore tumelo ya mosadi e be e le ye kgolo.) Ke tla go botša selo se setee o—o tseba gore ga ke go tsebe. O rapelela ngwana yo a dutšego fa mafelelong a setulo, yo a babjago. Yoo ke ngwana wa gago. Seo ke therešo. Amene. O a tseba gore ke be ke sa tsebe seo.

¹⁹⁵ Fao Šeo, Ke Moya wo Mokgethwa! A o a O dumela? A o a O amogela? Gona ge seo e le therešo, seo ke se boletšego ka “kgoro ke ye e pitlaganego, gomme tsela ke ye tshese” ke therešo. Jesu Kriste, Morwa wa Modimo, o thwi fa bjale. Moya wa Modimo yo a phelago o thwi fa. A o a O dumela? Gona, go go dira gore o tsebe gore ga se nna yo mongwe yo a fodišago, ga se nna mofodiši, eupša Moya wa Modimo o nno kgetha nna go iponagatša ka Bowona. Ga ke na le thuto. Ga ke na le tsebo ya eng kapa eng. Eupša ke Moya wa Gagwe wo o e dirago, le a bona, gomme O nyaka gore o tsebe gore ke go boditše Therešo.

¹⁹⁶ Ye ke Therešo, gore Jesu Kriste o dira yo mongwe le yo mongwe wa lena gore a loke thwi bjale ge le ka dumela seo. Bjale feela bjalo. . . Ge O šomile ka Kingston, fao baromiwa, goba mang kapa mang a lego morago kua, a O bonego o šoma ka Kingston, ka ba dikete ba fodišwa, ke ka baka la eng O ka se šome fa ka Amerika fao re nago le tsela ye e lego yona bjale? Ke ka baka la eng re sa kgone go o dumela? Ka baka la gore ga re kgone go tshela moetsana wo monnyane wola kua. A le a dumela? Emišetšang diatla tša lena godimo.

¹⁹⁷ Bjale, tšona diatla tše di swanago tšeo, di beye godimo ga yo mongwe kgauswi le wena, anke ke mo rapelele go tšwa thwi fa, gomme o seke wa be wa ba le go kamaka mo gongwe ka pelong ya gago, se se tla e fetša.

¹⁹⁸ Oo, nna, Ngwanešu Neville! Ka fao ke bego ke duma, ka fao ke rapetšego, ka fao ke. . . O ka no gopola gore ke fenywa le go belaela; ga ke gona. Ke tseba thwi fao ke lego. Ge nka no kgona feela go tliša selo se sennyane se godimo go lena! A le a lemoga gore Jesu Kriste, Morwa wa Modimo, fa magareng ga batho mosong wo, thwi bjale, o gona thwi bjale, o laetša Boyena?

Go lokile, le re, “Ngwanešu Branham, o boletše seo.”

¹⁹⁹ Ke e boletše bjang? Ga ke go tsebe. Fao go na le mosadi yo mongwe gape o na le TB. O fodile, kgaetšedi. Šegofala. Ke kgopela tshwarelo ya lena, o be o rapelela mosadi ka TB, ka gore ke mosadi wa hlogo pudutšwana. Ya. Ka moka gabotse, e dumele. Ka moka gabotse. O fa. Ke Bogona bja Gagwe.

²⁰⁰ Bjale, sese se A se boletšego, “Maswao a a tla latela bona ba ba dumelago. Ge ba bea diatla tša bona godimo ga balwetši, ba tla fola.” A A ka bolela maaka bjang? Le a bona, ga e mo go Yena, ga e mo go nna, bjale e mo go lena. Bjale le a dumela.

²⁰¹ Ke lebeletše mosadi yo monnyane o dutše morago kua feela bjale, o na le tumelo ye ntši. Yena le monna wa gagwe ka boswa ba sa tšwa go tla go Morena. O dutše thwi ka kopanong,

o na le go phatloga fao ngaka a bego a eya go go ophareita go yena feela pele, gomme ngwana wa gagwe o be a lokela go tla go tswalwa. Gomme ngaka o be a eya go ophareita ka morago ga fao, eupša ngwana o belegwe gomme ga ba kgone go hwetša sehloga seo gape. Se sepetše. Le a bona? Ka baka la eng? O be a nno dula bjalo ka . . . Ga se a ke a eba godimo fa sefaleng ka mokgwa woo. O ile a no dula morago kua gomme a e dumela. A seo ke therešo, Mdi. Green, ke a dumela ke yona, morago fao? Seo ke therešo. Le bona seatla sa gagwe? Ngaka ga e kgone le go bona mophatlogo, ka moka o sepetše. Ka baka la eng? O ile a e dumela, a no gatela ntle gomme a re, “Seo ke therešo!”

²⁰² Bjale dirang selo se se swanago, gomme tlaišo ye nngwe le ye nngwe ye o nago le yona e tla swanelwa ke go tloga. Modimo, Yo a kgonago—Yo a kgonago go roma Selo se sengwe ka mmeleng wa motho, go bohloko bjola bja go loma ga serpente fao go bego go le ka leotong la monna yola, go mo phoisena, go mmolaya thwi fao, gomme a ka e emiša gomme a e bolaya gona fao, ge ga kakang go fetiša A ka kgonago go bolaya molwetši ka mmeleng wa gago. Ka baka la gore, monna yola o be a le ka kgatelelong gomme o be a swanetše go ba le thušo. O swanetše, le wena. Ge o sa be le yona, o tla hwa.

²⁰³ Bjale fele le swere diatla tša lena mongwe godimo ga yo mongwe. Le seke la ithapelela ka bolena, thapelo ya gago godimo ga motho yo a lego kgauswi le wena. Seo ke Sekriste.

²⁰⁴ Ithuteng se, ithuteng se, gore, ge o dira go ba bangwe, o dira go Kriste. Ge o loka go yo mongwe gape, o loka go Kriste. Ge o swara yo mongwe gape gampe, o swara Kriste gampe. Oo, nna!

²⁰⁵ Oo, ge nka kgona feela go dira se go ya ka kua, ge nka no kgona go dira batho go se bona, seo ke se lebeletšego le seo ke se kwago, le seo ke tsebago gore se a direga, le a bona. Ka fao Kriste a kgorametšago ka morago Molaetša wola mosong wo, go fihla thwi fase ka dipelong tša batho le go bopa selo se sengwe fao; e sego go thantshelwa, e sego maikutlo (a tla le wona), eupša go bopa tumelo ya go se hwe fao e ka sekego ya re, efa intšhe go lenaba.

²⁰⁶ Bjale, O tla kwa thapelo ya ka, O tla kwa ya gago. Le rapelelane ka moka ga lena, ge nna ke le rapelela.

²⁰⁷ O Morena, nako ye kgolo ye ye bohlokwa, re lemoga gore se se ya go ra phapano magareng ga lehu le bophelo, go ba bantši. Gomme ke a roromela Bogoneng bja Gago, ka gore ke a tseba, Morena Modimo, gore ke swanetše go rapela ka pelo ya ka ka moka. Ke a lemoga gore le ge go ka se be motho yo a babjago magareng ga rena metsotsong ye mengwe ye methano, gore motho yo mongwe le yo mongwe fa o tla lemoga gore O fa. Siba ba eme mosong wo, Morena. A nke bona batho ba emišetše diatla tša bona godimo bao ba bego ba tseba gore ga ke ba tsebe, go se selo ka bona. Eupša Moya wa Gago o a ba tseba. O tseba sephiri

sa pelo tša bona, ke ga kae go fetiša fao O tsebago ditlaišego tša bona le metlhako ya bona! Ka gona, Morena, a e be gore lehono, a e be le bjale gore Moya wa Gago o kgwathe mebele ya bona ye e babjago. E fe, Morena. Ba rapelelana mongwe go yo mongwe.

²⁰⁸ Gomme ke a rapela, Morategi Modimo, gore Moya wo Mokgethwa o tla e dira ya nnete kudu go bona, gore ba ka se tsoge ba sa e dumele gape. Gomme fao go na le bolwetši bjo bongwe gape, Morena, bjo e lego bjo bogologolo kudu go feta bolwetši bjo bja sebelebele, ke bolwetši bja semoya. A nke pelo ye nngwe le ye nngwe e bulege.

²⁰⁹ Morena, go ka ba bjang gore O be o eme kua, ka lehlakoreng la Abraham, gomme wa dira selo se se swanago se, wa botša Sarah yo a bego a le ka “morago” ga Gago, Lengwalo le re, “ka tenteng a sega,” gomme Wa mmotša. Gomme Abraham a lemoga ge yoo e be e le Elohim, Modimo yo mogolo. Metsotsong e se mekae Wa timelela go tšwa sefahlego sa gagwe.

²¹⁰ Gomme, Morena, ge Jesu a eme gomme a dirile selo se se swanago, gomme a re, “Le beditše Abraham ‘tatago,’ lena gomme go le bjalo le re le tseba Mangwalo.” A re, “Le dira phošo, ka go se tsebe Mangwalo le Maatla a Modimo.” Ba Mmitša gore ke “Beletsebubu.”

²¹¹ Eupša O tshephišitše gore matšatšing a bofelo gore O tla tšholla Moya wa Gago gape. Moporofeta o rile, “Nakong ya mantšibuwa go tla ba le Seetša.” Gomme ke rena fa.

²¹² Ge lefase le la ka ntle ga molao le itia petekwane ka sebgeng, bjalo ka monna wa setagwa a thekesella gae bošego, go se gwa ya kae le thuthupišwa bogareng, fao go ka se be le ge e ka ba lerole la bolokheno, le gatee, le le tlogo go šala la lona. Gomme re bona nako e rotla go tloga.

²¹³ O Modimo, tšea go kamaka mo gongwe le mo gongwe go tšwa go rena. Re sepedišitše ka ntikudikung yela feela bjale. Etna, Moya wo Mokgethwa. Swarela ntle diphego tša Gago tše kgolo, alamela bokagodimo ga batheeletši ba bannyane ba ba batho feela bjale, gomme o itire ka Bowena o tlae ka dipelong tša bona, gomme a nke ba tsebe gore Bagoneng bjo Bokgethwa, gore ke Wena, “Ke nna Morena Yo a fodišago ka moka malwetši a lena.” Gomme a nke Bogona bja Gago bo dire selo se sengwe ka pelong tša bona se se tlogo go ba dira gore ba tloge fa, mosong wo, ba dumela ka ka moka tše di lego go bona. Gomme a nke yo mongwe le yo mongwe yo a babjago gomme a tlaišega motho a fodišwe.

²¹⁴ Ka gore, bjalo ka mohlanka wa Gago, ke a ema gomme ke ahlola diabolo yo mongwe le yo mongwe, ke ahlola bolwetši, ke ahlola Sathane.

²¹⁵ O lahlegile, gomme ga o selo ge e se motšhošetši. Gomme re bitša seatla se sa gago godimo ga bjona mosong wo, Leineng la Jesu Kriste. Gomme bjalo ka mohlanka wa Gagwe, yo a rerago

Lentšu la Gagwe gomme a botša batho Therešo, gore ba loke gomme ba be mothalong le Lentšu la Modimo, ke a go ahlola, Sathane, Leineng la Jesu Kriste. Tloga go tšwa go yo mongwe le yo mongwe wa batho ba ba ba tšwago kgole le kgauswi, gore ba fodišwe. Tloga go tšwa go batheeletši ba le go tloga go batho ba. Ke go leleka ka Modimo yo a phelago. Gomme Beibele e rile, “Ye maatla, ya boikgafo thapelo ya monna wa moloki e tla dira tše kgolo.” Gomme banna ba bantši ba go loka ba na le diatla tša bona di beilwe godimo ga balwetši, mosong wo fa. Oo, Sathane, o nyaka go ba dira gore ba nagane gore e be e le nna, ka gona o nyaka go tšea letago go tšwa go bona. Eupša ke tumelo ya bona go Modimo, le bona, ba dumela Modimo! Gomme o tla swanelwa ke gore o šuthe, ka tumelo ya bona. Ka fao tšea leeto la gago go tloga fa, gomme o ye leswiswing la ntlentle fao e lego ga geno. Ke a go ahlola, Leineng la Jesu Kriste, ka maatlataolo a Beibele ya Modimo, thomo ya ka ka Morongwa. Bjale tloga, Leineng la Jesu Kriste, gomme ba tlogele ba lokologe. Amene.

²¹⁶ A le a dumela, ka dipelo tša lena ka moka, gore le fodišitšwe? Emiša seatla sa gago, e re, “Bjale ke amogela Jesu Kriste bjalo ka Mofodiši wa ka. Ka moka merithi e timeletše go tloga go nna. Bjale ke Mo amogela botlalong bja maatla a Gagwe, tšhegofatšong ya Bogona bja Gagwe. Ke a Mo amogela.”

Tumelo ya ka e lebeletše godimo go Wena,
Wena Kwana ya Khalibari,
Mophološi mokgethwa;
Bjale nkwe ge ke rapela,
Tšea ka moka dibe tša ka,
O se ntumelele go tloga letšatši le
Go tloga go Wena go ya thoko.

Bjale a re emišetšeng diatla tša rena go Yena ka bose bjale.

Ge ke gata mararankodi a leswiswi la
bophelo,
Gomme manyami go ntikologa a alega,
Wena e ba Mohlahli wa ka, O Modimo;
Laela leswiswi go fetoga letšatši,
Phumula megokgo, dipogo go tloga,
O se tsoge wa ntumelela go lahlega
Go tloga go Wena go ya thoko.

[Ngwanešu Branham o thoma go hama, *Tumelo Ya Ka E Lebeletše Godimo Go Wena.*—Mor.] . . . mogau wa go huma! 

Kereke Le Boemo Bja Yona
(*The Church And Its Condition*)
Agosetose 5, 1956, Lamorena Mosong

Kgoro Ke Ye E Pitlaganego
(*Strait Is The Gate*)
Matšhe 1, 1959, Lamorena Mosong

Kereke Ye E Forilwego, Ke Lefase
(*A Deceived Church, By The World*)
June 28, 1959, Lamorena Mosong

Molaetša ye ka Ngwanešu William Marrion Branham, setlogong e be e abilwe ka Seisimane ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme e ngwalotšwe ka Seisimane. Ye ya North Sotho tlhathollo e ngwalotšwe gomme e phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org